


64981.3

3



甲申以後亡臣表

淮南彭孫貽昇仁著

序

成獻弄兵以來疆臣聞卒死于鋒刃亦多矣死事者首北
都何也國君死社稷子死父臣死君義之正者也重徇主
也白下且出亡矣君不死社稷而焉得死之而焉得亡之
死事亦必首南都何也君不死社稷社稷為重君為輕高
皇之舊都也不徇乎君而徇乎國則其死重也監國之存
越也唐邸之建號也非所宜立也諸夏之亡君也誠得君

而事之雖蹈海可也魯人亦吾人也二三子何患乎無君
粵西之擁立也後之哉正也而粵而楚而滇黔君亡與亡
君出與出古公遷國以興周靈武奉天出亡而光復君雖
亡非亡也信國曰從懷愍者非忠從元帝者為忠隨徽欽
而北者非忠從高宗南渡者為忠臨桂之桂林安西之緬
甸即厓山也有丐而死者有盜而死者有馬廐僕隸而死
者有娼而死者可以無死而必死猶生也不能死又相
之必夷吾而後可也非夷吾而不死者蓋多矣然不能死
而終不免于死鮮民之生不如死之久矣嗚呼死生亦大

矣死者必書後死者之事也死者或不知知者或不死傳
聞異詞有之矣是足以盡亡臣乎亡臣或不盡乎此

甲申以後七臣表目錄

北京死事諸臣

東閣大學士范景文

左都御史李邦華

刑部左侍郎孟兆祥

大理寺卿凌義渠

太常寺少卿吳麟徵

左諭德劉理順

翰林院檢討汪偉

曾入歸文 費力

東閣大學士范景文

戶部尚書倪元璐

兵部右侍郎王家彥

左副都御史施邦曜

大理寺卿凌義渠

附祝淵

左庶子周鳳翔

右諭德馬世奇

太僕寺丞申佳允

吏部考功司許直

兵部武庫司成德

兵部車駕司金鉉

戶科給事中吳甘來

河南道御史王章

山東道御史陳良謨

江西道御史陳純德

禮部進士孟章明

駙馬都尉鞏永固

襄城伯李國楨

宣城伯衛時春

彰武伯楊

忠安伯張慶臻

新樂侯劉文炳

右都督劉文耀

東宮侍衛周鏡

司禮監王承恩

宮人魏氏 費氏

四川道御史趙謨

中書舍人宋天顯

附滕之所 阮文貴

順天府推官劉有瀾

兵馬司副指揮姚成

陽和衛經歷毛維張

衛經歷施溥 張應選

錦衣衛指揮李若璉

錦衣衛千戶高文采

光祿寺署丞于騰蛟

儒士張世禧 二子懋懋 懋官

順天府學教官五人

諸生曹文耀 四子

童生周某

民李小槐

布衣湯文瓊

長洲生員許玘

尋陝西員翰林

月李心賦

翁廷曹文縣三四千

謝士飛母款

魏承清十百高天各

謝士飛母款

謝士飛母款

謝士飛母款

謝士飛母款

京東西死事諸臣

總督畿南河北山東兵部侍郎徐標

巡按山西監軍御史金毓峒 從子振孫附

保定知府何復甫 同知邵宗立

太監方正化

保定鄉官先祿寺少卿張羅彥 附 進士張羅俊 武進士張羅輔

都指揮使劉忠嗣 舉人張爾暈 高涇

河間知府方文耀 濟南府推官鍾性樸

巡撫大同右副都御史衛景瑗

大同兵備叅議朱家仕

督餉戶部郎中徐有聲

附大同府學生李若葵

巡撫宣府右副都御史朱之馮

巡撫山西右副都御史蔡懋德

中軍盛應時 左布政使趙建極
兵倫毛副使及府縣官六十四人

鎮守宣大左都督周遇吉

鎮守昌平總兵李守鏢

秦中及邊鎮死事諸臣

督師兵部尚書孫傳庭

監軍僉事喬元柱

渭南知縣楊暄

商雒兵備副使黃世清

巡撫陝西右副都御史馮師孔

陝西按察使黃炯

長安縣知縣吳從義

西安衛指揮崔爾達

奉府長史章世炯

都司吏邱從周

西安掾紳副使祝萬齡

吏部尚書南企仲

禮部主事南居業

巡撫宣府右僉都御史焦源清

巡撫大同右都御史焦源溥

山西叅政田時震
巡按山東御史王道純

山東監軍僉事王徵
解元席增光

咸寧舉人朱誼泉
蒲城知縣朱一統

中部知縣朱新懋

整飭榆林右叅議都住
榆林間住總兵尤世威

巡撫甘肅右副都御史林日瑞

甘肅總兵郭天吉
甘肅同知藍臺

秦分守湖西叅議段復興
慶陽知府董琬

鄉紳太常寺少卿麻僖

甲申以後

附流寇始亂秦中死事諸臣

畧陽守備黃元極

甘泉知縣郭永圖

河西兵備僉事張允登

葭州兵備僉事郭景嵩

鄜州兵備郭應響

宜武守備猛忠

陝西都指揮張應春

陝西援勦總兵曹文詔

分守固原叅政陸夢龍

附陽城舉人張履旋

甲申以後世經表

六

合卷固氣參知政事

刑部侍郎入京

刑部侍郎

刑部侍郎

刑部侍郎

刑部侍郎

刑部侍郎

刑部侍郎

刑部侍郎

刑部侍郎

刑部侍郎

刑部侍郎

中州死事諸臣

兵部尚書呂維祺

河南府通判白尚文

河南衛指揮李宜棟

福藩內官崔昇

總督陝西兵部右侍郎傅宗龍

巡撫陝西右僉都御史汪喬年

平賊鎮副將李萬慶

援勦總兵猛如虎

鄧州知州劉振世

陳州知州侯君擢

鄉宦泌之舉人王受爵

甲申以後

水

左通政使李夢辰

宣府巡撫張維世

歸德府推官王世琰

陝督標副將孫枝秀

叅將黑尚仁

總督保定兵部右侍郎楊文岳

分巡汝盜僉事王世琛 崇王妃張氏

分巡汝盜僉事王世琛

鳳陽府推官萬文英

和州知州黎孔慧

江北死事諸臣

穎州知州尹夢鰲

鳳陽府推官萬文英 鳳陽衛指揮包文達

和州知州黎孔慧

學正康正諫 訓導趙世選

營總周廷儒

御史馬如蛟 運使如虬 諸生如虹

兵部尚書張鶴鳴 翰林院編修胡守恒

池州守禦劉光輝把總陳正華陳三善

援皖副將程龍潘可大 徐州舉人閻爾梅

楚中死事諸臣

巡按湖廣御史林鳴球

房山知縣阮之鈿

荆襄兵備副使張克儉

襄陽府推官鄭日廣

署襄陽縣事李天覺

隨州知州徐世淳

荊州舉人陸師贄

鍾祥知縣蕭漢

江陵舉人陳萬策李開先

衡陽知縣張明翼

武漢黃副將崔文榮

楚府長史徐可顏

武英殿大學士賀逢聖

黃州貢生馮雲路

汪陞 福益道副使樊維城

黃州生員易為瑚

父道暹 弟為璉

麻城教諭蕭頌聖

武昌知縣鄒逢吉

巡撫湖廣左僉都御史宋一鶴

保康知縣石維壇

隨州知州王燾

長沙署府事推官蔡道憲

巡按湖廣御史劉祚熙

丁卯舉人馮一第

巡按湖廣御史劉祚熙

洪武之命

巡按湖廣御史劉祚熙

洪武之命

巡按湖廣御史劉祚熙

洪武之命

巡按湖廣御史劉祚熙

四川死事諸臣

叅將張令

叅將劉士傑

巡撫四川右僉都御史劉之渤

四川總兵劉鎮藩

瀘州知州蘇瓊

原任四川巡撫龍文光

原任四川巡撫陳士奇

南中死事諸臣

吏部尚書張捷

兵部右侍郎朱之臣

戶部山西司主事劉邦弼

禮部儀制司主事黃端伯

中書舍人陳爇子伯俞

應天武舉黃金璽

金陵馬夫

附東閣大學士高宏圖

左副都御史楊維垣

戶部江西司郎中劉成治

禮部儀制司郎中劉萬春

中書舍人龔定祥

欽天監中官正陳子階

國子監生吳可箕

秦淮河上乞兒

刑部尚書高倬

明倫彙編 家範典 卷一百一十五

工部尚書何應瑞

金刻

與天為舉黃金璽

中書舍人

兵部

兵部

兵部

兵部

南中

兵部尚書高軒

兵部

兵部

兵部

兵部

兵部

兵部

兵部

河北死事諸臣

兵部職方司主事凌駟

兵部給事中沈迅

湖廣道御史王與允

子士和清和知縣朱帥欽

甲申以後七臣表

七

揚州死事諸臣

督師兵部尚書建極殿大學士史可法

兵部尚書張伯鯨
揚州知府任民育

兵部職方司主事閣部監軍施鳳儀

兵部職方司主事何剛
江都監紀知縣支益

副總兵乙邦才附總兵莊子顧
總兵侯方巖

原任翰林院庶吉士吳爾璜

原任兵科給事中監軍僉事黃國琦

時自以行...

...

鳳封吳孫命書中選軍會書黃國...

鳳封林劍廣吉士吳爾...

鳳封吳丁作女...

吳孫...

吳孫...

吳孫...

吳孫...

...

江北死事諸臣

提督滁和各路靖南侯黃得功

甲申以後...

...

明臣以行

書

使北死事諸臣

兵部右侍郎左懋第



甲申以後

卷

甲申以行...

...

江南列郡死事諸臣

京口總兵鎮南伯黃蜚

鎮守江南後軍都督同知吳志葵

鎮南藩標總兵何大海 鎮南標下游擊趙從龍

都指揮同知魯之璵 中書舍人沈士炳

詹事府少詹事徐沂 舉人楊廷樞

南昌知縣劉曙 蘇州府生員顧所受

長洲生員文秉 元妙觀前賣餅人

督輔軍前贊畫兵部職方司主事吳易 孫鉅

甲申以後...

...

吳江舉人孫兆奎 特舉古同 吳江人史坤申

常熟生員徐懌 徐守質

項志宜 翰林院編修朱天麟

崑山指揮使陳宏勛 原任 狼山副 王佐才

舊將王公揚 崑山舉人顧咸受

舉人周錫 貢生朱集璜 生員陶琰

通政司左通政侯峒曾 附子元演 元潔

戶部進士黃淳耀 弟淵耀 舉人傅凝之 張眉錫

舉人署嘉興教諭龔用圓 生員唐永齡 夏雲

蛟以上五人均嘉定人同傳

金山衛都指揮侯承祖 兵部右侍郎沈猶龍

吏部 考功司 夏允彞 中書舍人李待問

福州府羅源知縣章簡 華亭教諭眭明永

提督江南總兵吳聖兆 兵科給事中陳子龍

兵部職方司主事錢旃 夏完淳

徐爾毅 舉人顧咸正 子天達 天邁

廣信同知胡甲桂

常州府諸生吳福之徐安遠 附張文龍

武進生員董元哲

常州賣扇歐生

賣薪人
薛老

揚州妓

吏部郎中華允誠

中書舍人盧象觀

光祿寺
少卿監軍叅議沈廷揚

中書舍人戚勛

江陰三典史陳明過

附梓工陳仲

黃毓祺

兵部右侍郎金聲

徽州府推官温璜

兵部職方司主事許文玠

游擊將軍程尚遇

徽州府生員江天乙

武舉程羽申

宣城生員麻三衡

貴池生員吳應箕

甲申以後...

...

浙西死事諸臣

錢塘知縣顧咸建

行人陸培

舉人王道焜

陳范梁

巡按河南御史陳潛夫

興國州知州俞元良

海盜所千戶蔡國瑛

朱大綱

海盜舉人周宗彞

海盜生員陸韜

臨安知縣唐自彩

嘉興府同知朱議淳

南京吏部文選錢棟

吏部尚書徐石麒

廕生朱大定

監生張翹

嘉興生員張次柳

秀水布衣項嘉謨

嘉興生員錢應登

禮部主事譚貞良

附翰林院檢討屠象美

兵部職方司主事李毓新

分守

台金嚴副總兵

康承爵

附

原任杭嘉湖叅將庄上儀

上海知縣彭長宜

弟原廣

子孫繩

從子孫振

兵部職方司主事監軍御史湯芬

附王有度

吏部主事湯雲驥

附

徐亥三韓萬象

巡按福建御史陸清源

浙東監國死事諸臣

左都御史劉宗周

山陰諸生王毓著

巡撫應天右僉都御史祁彪佳

戎政兵部尚書武英殿大學士張國維

總理漕務巡撫應天東閣大學士朱大典

督師吏兵二部尚書余煌 鎮守浙江總兵王之仁

兵部尚書大學士熊汝霖 兵部尚書孫嘉績

山西僉事鄭之尹 義興伯鄭遵謙

禮部侍郎王思任 通政使吳從魯

兵部主事葉汝衡

兵部主事高岱 子朗

總兵方元科

紹興總兵熊帥

山陰諸生朱璋

布衣周卜年

會稽章生妻金氏

蕭山諸生楊雪門

諸暨諸生方炯

中書舍人沈之泰

餘姚布衣孫悅

吏部尚書錢肅樂

鄞縣貢生王家勤

鄞縣諸生華夏

鄞縣諸生楊文理

御史楊文瓚

靖南鎮監紀 馮元颺

監軍御史馮京第

督師兵部尚書張煌言

兵部侍郎陳函輝

永豐伯張鵬翼

督學御史王景亮

閩中死事諸臣

督師江廣兵部尚書黃道周

附

四門生

賴雍蔡繼蔭
鄭姓茅姓

兵科給事中黃大鵬

巡按福建御史鄭為虹

後軍都督同知洪祖烈

禮部尚書曹學佺

侯官生員齊巽

通政使馬思理

吏部主事林塗

福州衛指揮吳上珍

總督漕運路振飛

福州生員林生

福州布衣趙恂

大學士蔣德璟

戶部主事郭符申

刑部主事葉翼雲

兵部侍郎黃中瑞

兵科給事中劉中藻

漳州生員曾慶

漳州顏榮

漳州生員林奎

漳州生員林奎

漳州生員齊翠

漳州生員齊翠

漳州生員曹學全

漳州生員曹學全

漳州生員黃大

漳州生員黃大

漳州生員黃大

漳州生員黃大

漳州生員黃大

漳州生員黃大

漳州生員黃大

漳州生員黃大

江西死事諸臣

東閣大學士禮部尚書姜曰廣

文淵閣大學士禮部尚書傅冠

光祿寺少卿劉斯垓

兵部尚書熊明遇

兵部武選司胡琦

進賢舉人舒忠讜

兵科給事中胡夢泰

儲賢館待詔劉日景

總督陝西兵部侍郎余應桂

總督江楚兵部侍郎袁繼咸

建昌副使王械

日由以後六臣表

三

皇明以徵古臣表

東閣大學士禮部尚書劉同昇

吉安府推官王鉉
督師兵部尚書楊廷麟

總督南贛軍務兵部尚書萬元吉

監軍御史姚奇允
太僕寺卿彭期生

贛州同知王明汲
萬安知縣梁牙洪

鄉神通判羅
解元鄧岳壽

丁卯舉人黎遂球

湖廣死事諸臣

督師兵部尚書何騰蛟
附 鄖陽總兵王光恩

皇明以徵古臣表

古

甲申以復出臣表

兩廣死事諸臣

禮部尚書大學士陳子壯 庶吉士張家玉

太常寺少卿霍子衡 附 大學士蘇觀生

總督兩廣軍務武英殿大學士丁魁楚

督師節制軍務留守兵部尚書瞿式耜

附 總督張同敞

甲申以後大臣表

十六

甲申以後士臣表卷之一

淮南彭孫貽昇仁著

北京死事士臣表

東閣大學士工部尚書贈太傅謚文貞范景文字質公癸

丑進士北直吳橋人景文介立不倚太原既陷謀勸

上南遷魏藻德方岳貢沮止之賊犯都城三日不食城

陷向闕再拜自經家人解之賦詩二首有誰言信國非

男子延息移時何所為赴龍泉巷古井死妾亦自經

戶部尚書兼兵部尚書詹事府少詹事翰林院學士贈太

傳謚文正倪元璐字鴻寶浙江上虞人元璐風稜峭
厲衆正所推奏毀三朝要典黨人切齒西寇既急元璐
請令秦晉二王盡散多蓄募兵克敵功成之後益封一
子大國同親王母若楚福二藩厚賞盡為盜有也廷議
難之都城陷朝衣北面再拜脫衣冠角巾青衣南向拜
母索酒招二友為別酌酒漢壽亭侯畫像授帛語家人
曰吾死勿殮大行殮方收吾尸自縊手弱不即死呼二
友助之乃絕三日賊突入見之顏色如生驚避他去北
都既定家人具牒內院范文程扶柩回籍文程差官執

令箭送至張灣夫人肩輿出都門無敢阻者

都察院左都御史贈太保吏部尚書謚忠文李邦華字懋

明甲辰進士江西吉水人邦華清勁不撓觸璫久錮

崇正初元起之謫籍已已都城戒嚴邦華協理戎政釐
剔占籍不少假貴戚大璫深怨之黏謗書于宮門曰殺
却李邦華口兒方可拿中貴人密奏之烈皇帝曰禁地
何人能至此即若曹之不快于邦華者也中貴人惧不
敢復言自成連陷三邊邦華深憂之密與李明睿謀勸
上親征令太子監國光時亨阻之既又請奉太子撫軍

江南復與時亨廷諱而罷都門陷歎曰主辱臣死夫復何辭但得為東官導一去路死亦無憾耳衣冠望闕再拜題縑為贊曰堂々丈夫聖賢為徒忠孝大節矢死靡他遭國不造空負良謨臨危授命庶無愧吾君恩莫報鑒此痴愚徃文丞相祠再拜吟零丁洋詩卒章二句自經祠中

協理戎政兵部右侍郎贈太子少保謚忠端王家彥字遵五壬戌進士福建莆田人督守安定門破以不得追隨乘輿觸死輦前為恨走民間空屋縊死或謂走便門

內官導賊至門自盡門下或曰守德勝門陷賊脅降

被殺城樓火燔尸

刑部左侍郎贈刑部尚書謚忠貞孟兆祥字肖形壬戌進

士山西澤州人兆祥老成正直以魏璫羅織坐廢起

歷今職守正陽門賊至自盡門下妻何氏同女皆自盡

人子章明見後

都察院左副都御史贈左都御史謚忠介施邦曜號四明已未進士浙江餘姚人邦曜長厚恂々條奏時務言行取不宜額以推知臺選銓曹當歷外任庶考選不皆

賄行要樞不皆中飽城陷日與倪元璐約同死國歸作
詩有媿無策匡時難惟有微軀報主恩句投筆自經

大理寺卿贈刑部尚書謚忠清凌義渠字駿甫號茗柯乙

丑進士浙江烏程人聞帝崩慟哭觸柱血被面盡焚所
著書衣緋北面拜闕復南向拜父寄書永訣遺筆題樞

曰死節孤臣凌義渠之樞繫帛窻楞奮身而絕

太常寺少卿贈兵部侍郎謚忠節吳麟徵號磊齋浙江海

鹽人麟徵數言吳三桂忠勇可倚請內徙衛京師可以

西當寇警急徙三桂入關都城已陷麟徵守西直門

城陷退歸私邸賊已據邸走三元祠時傳駕南狩勸南

歸不應偃戶自經家人救之環泣曰明待祝孝廉至

可一訣許之祝淵晨至酌酒為別麟徵歎曰自我登第

夢見隱士劉宗周題文信國零丁洋風萍水絮句子壁

數實為之不死何待淵泣下麟徵不動作書遺家人白

祖宗二百七十年宗社一旦而失上有龍亢之悔下有

魚爛之殃身居諫垣無所匡救法應褫服殮用角巾青

衫覆以單衾墊以布席足矣棺宜速歸恐繫先人之望

祈知交邪許焉茫、泉路咽、寸心所以瞑予目者又
不在乎此也書畢投繯祝淵視舍強乃去沙穀術術
包漆工聞麟徵死節走哭之請治髹日荷漆器治髹加
固焉每夕卧櫬側惟多飲酒不取一錢曰我賤工也忍
死須臾願為忠臣役何錢為官火作延太廟漆工起傍
皇呼曰我家天子祖宗一炬已乎躍入井中救之已折
臂而死麟徵家人殮葬城北

附祝淵字月隱海寧人少舉孝廉後乃講學曾伏闕
疏救劉宗周逮繫鎮撫司獄久之得釋潞王迎款淵方

病遽絕食或勸之食曰吾病瀕危幸即死得半也詩

曰死忠死孝尋常事心安理得更何求

左春坊左庶子翰林院侍讀贈詹事府詹事謚文節周鳳

翔字巢軒戊辰進士浙江山陰人聞賊設朝失聲哭極

哀遺書訣父作絕命詩有碧血九原依聖主白頭二老
望忠魂句同二妾自縊死

左春坊左諭德翰林院修撰贈禮部左侍郎謚文正劉理
順號湛陸甲戌第一甲第一人河南杞縣人聞難閉門
理後事賊多河南人跡之者踵至拒戶不應題壁曰成

仁取義孔孟所傳文信踐之吾何不然科名既占豈肯
苟全三忠祠內無愧前賢酌酒為別遂自盡妻萬氏妾
李氏僕婢俱從死凡十八人須臾賊以令箭至數十人
叩門無應者破扉入見之環而歎曰此吾鄉祀縣賢士
大夫也居鄉厚德里人無不感之奉李將軍令來衛公
不意全家自盡羅拜流涕而去南都贈萬氏李氏皆
淑人

右春坊右諭德翰林院侍講贈禮部右侍郎謚文忠馬士
奇字君常號素修辛未進士南直無錫人聞寇急成德

遺書約死國世奇答書吾輩舍一死更無他法吾不為
其難誰為其難者城陷閉戶自經二妻朱李從死家人
破扉救復甦曰聖駕已南幸可為從士計世奇不應暗
二妾已死笑曰若少年能從我乎買三棺以二殮其妾
朝衣捧勅北面拜焚衣冠于庭以旬經局印授其僕曰
上已出幸以此上行在否則投之吏部南望拜母指空
棺曰以此殮我端坐引帛力自縊乃絕南都贈朱氏
李氏皆孺人翰林院檢討贈詹事府少詹事謚文烈汪偉字長源戊辰

進士南直休寧人。偉聞賊犯闕，累日不食。妾耿氏語曰：「苟事不測，從君共死。」城陷，即趨吳甘來所，約同死。歸與耿氏置酒，共酌。賂書戒子以忠孝。書鄉先哲趙昂發言于壁曰：「身不可辱，志不可降。」夫婦同殉，節義成。双為兩環，偉就右，耿氏就左，皆縊。耿氏急揮曰：「止！」雖在顛沛，尊卑之序不可失也。解而下，讓偉就左而死。其妻太僕寺丞贈太僕寺少卿謚忠愍申佳胤號素園辛未進士北直永年人協理東路聞變投井死。吏部考功司員外郎贈大理寺卿謚忠毅許直字若魯甲

成進士南直如皋人聞變絕食人傳駕出齊化門直歎曰：「干戈四面，駕將焉往？」作書訣其母，復作六絕句。有丹心未雪，生前恨青簡空留死後名。向長班趣入朝，給之出脩馬入室取練作環，一手持練尾，一手上握自縊死。兵部武庫司郎中贈太僕寺卿謚忠烈成德字元升辛未進士順天懷柔人性強直曾為倪元璐草疏溫體仁惡之為滋陽知縣強項葦司府隸巡按禹好善劾為貪酷逮下獄其母訟寃疏抑不上道遇體仁入朝辱罵之長安門事聞杖德六十謫成體仁死召補兵部郎賊犯都

門遺書馬世奇誓同死國世奇報書相勉聞帝后賓天
 作大行皇帝哀辭携酒絮奔哭大行喪次觸地流血賊
 露刃脅之不為止歸邸跪母張氏前慟哭母曰我知之
 矣入室自經其妹未嫁從之死妻張氏亦縊德乃自盡
 兵部車駕司郎中贈光祿寺卿謚忠毅金鉉字在大戊辰
 進士南直武進人奉命巡皇城衣冠入朝點軍聞賊入
 帝崩易麻衣加冠帶躍入皇城御河從者挽之出仍自
 沈死母章氏妾王氏弟諸生鏢同時赴井死南京贈
 章氏王氏俱恭人建坊旌其鄉

戶科都給事中贈太常寺卿謚忠節吳甘來字和受戊辰
 進士江西新昌人聞寇日逼知京師莫守二月遣其子
 歸託其友漆嘉祉賦詩為別有君臣義命乾坤墜孤鼠
 干戈風雨秋及惟取忠肝萬古留白自縊堂上死櫬
 寄窮巷賊西奔縱火延入巷中居人爭卑甘來樞羣員
 出走焦爛死者一人
 巡視京營河南道御史贈大理寺卿謚忠烈王章字岷雲
 戊辰進士南直武進人與光時亨並轡巡彰義門陷
 章麾死士鳴大礮者二殺賊無算太監曹化淳開門迎

賊入拔刀叱時亨長跪乞降舍之刀擬章不動叱之
不應因執之大罵不屈刀築膝使跪挺立罵不已斃刃
殺之城頭

山東道御史贈太僕寺少卿謚愍毅陳良謨字賓白辛未
進士浙江鄞縣人良謨聞都門失守作古詩一首痛
飲將自經妾時有姪良謨曰吾年踰五十無子汝幸有
娘倘生男以延陳氏血食汝必勉之時氏曰主人死妾
將誰依與其為賊辱不如無子也請先死以絕君念先
縊死良謨乃自盡南都贈時氏孺人建坊旌其里

江西道御史贈太僕寺少卿謚裕愍陳純德字澹元庚辰
進士湖廣零陵人曾學順天方試士易州賊至走回都
城、陷自盡

禮部進士贈河南道御史謚節愍孟章明字伯昭癸未進
士山西澤州人兆祥子兆祥既殉章明走殮父尸亟歸
別其妻王氏曰吾將往從吾父妻曰君死吾亦死章明
曰夫人須先死視妻縊取筆作詩大書于壁曰有悔吾
夫婦尸者必為厲鬼殺之妻氣絕加緋袍置扉上又取
扉置其右囑婢曰置吾此扉上緋袍自經死

太子太師駙馬都尉贈太師謚節愍鞏永固字洪圖順天宛平人公主靈櫬猶在堂子女七人黃繩繫之櫬前聚寶玉書玩積薪並焚之大書廳事前世受國恩身不可辱自經死

襄城伯贈襄城侯謚貞武李國楨字瑞和南直和州人賊破都城執國楨國楨請葬先帝乃就死賊許之先帝既葬國楨斬衰徒步哭送帝后自經死

彭孫貽曰襄城總督京營寸籌莫展無一人禦敵者干城腹心乃以賊遺君父而不死并陬一死豈足塞責哉

所謂貞武則安在汰哉易名之典也然能請葬大行身辱螻蟻亦可以見二聖于泉下矣野史多云襄城畏拷掠而就死非死忠也持論不太苛乎賊之拷辱諸勳執之無倖免者從容就義三木之傍者未聞也于此而猶厚責何以加乎醜顏勸進之班者

宣城伯贈宣城侯謚武節衛時春字山東登州籍南直華亭人率妻孥共投一大井無一存者直隸彰武伯楊河南水城人聞變自盡

太傅惠安伯贈惠安侯謚忠武張慶臻字承祐河南永城

人聞都城陷盡散財物與親戚置酒聚飲積薪四圍合家焚死

新樂侯贈恒國公謚忠武劉文炳無一子北直任邱人原宣籍滁州聞變與弟文耀及侯祖母為先帝外祖母瀛國太夫人年九十擇大井同子孫男女十六人投井中縱火焚第文炳投火死

右軍都督府右都督贈新樂侯謚忠烈劉文耀

炳弟投井死
嘉定伯奎從子也聞城陷勸

奎殉國不聽鏡歸聚其家百餘口勅之自縊投井皆盡

乃自刎死

彭孫貽曰先朝外戚嘉定之貪贖田都督之豪橫帝皆

弗善也惟新樂為孝慈太后外家諸舅皆循謹謙退帝

甚念之每見憂其貧賜予累千金當國變時周田袁氏

諸貴戚隱忍偷生終為賊慘惟新樂一門死烈都督鏡

全家殉國一則有光孝慈一則無慚孝節矣

司禮監太監謚忠愍王承恩上命承恩提督京城內外復

令節制勤王兵馬賊攻正陽門承恩指揮內員鳴礮連

斃數人賊攻彰義門急帝召承恩急整內員備親征出幸內官奔告彰義門陷上同承恩幸南宮望城上已懸三白燈知大事已去回乾清宮分送太子二王詣周田二皇親手劍長公主后妃皆縊帝易承恩鞞手持三眼槍內監數十人人持一斧奪路東華門繞齊化門欲出守城內監疑有變矢石相向走安定門之堅不可啓復回南宮崩于山亭承恩再拜慟哭縊亭下與大行相望

宏光時賜特祠

彭孫貽曰先帝懲德陵末命手剪逆奄盡收九邊監紀

考選內員諸奄爭見其長帝盡斥其知書者獨留樵樸淳謹數人掌諸監官府肅然嗣因遼疆未復脂寇內訌帝思足國以強兵其時無廉公強幹之臣當上心督撫屢見憤輟遂疑外庭不可恃于是命張彞憲司計戶工二部命盧九德高起潛分握重兵內亞乎卿相外凌乎節鎮士大夫為之短氣諸將帥屏息以聽乎貂璫中常侍之權日重矣乃杜勳挾賊以脅主曹化淳王則堯開門以延敵以賊遺君父者皆內臣也殉國捐生者在內惟王承恩在外惟方正化二人而已帝倚承恩者亦甚重

帝固能知人乎哉

官人魏氏賊帥入官魏氏大呼曰賊入大內我輩必遭所

汙有志者早為計躍入御河從而死者一二百人賊見

深嘆息之

官人費氏年十六投井、枯不死賊鈎出之悅其容爭相

奪費氏給曰我長公主也不得無礼必告汝主擁見自

成審之內官非是賞一小將羅賊費氏復給曰妾竇天

潢義難苟合擇吉成礼則惟命賊將喜置酒極歡費氏

誘賊醉抽刀斷其喉立死費氏亦自刎庭前自成大驚

鄭令收葬之

四川道御史趙譔字鎮所甲子舉人、昆明人巡中城

捕殺賊謀城陷賊獲譔、大罵賊怒殺之于白帽衎衎

中書舍人宋天顯松江人賊迫書偽詔擲筆觸階死 滕

之所阮文貴投御河死

順天府推官劉有濶字、人城陷自盡

副兵馬指揮使姚成餘姚人城陷自盡

陽和衛經歷毛維張巡捕西城、破為賊所執械送劉宗

敏欲降之大罵曰吾雖小臣素明大義吾首可碎志不

可奪賊怒甚樛夾並施斷指拚足死
衛經歷施溥仰藥死
張應選投御河死

錦衣衛指揮使李若璉順天人守崇文門作絕命詩有死

矣即為今日事悲哉何必後人知
自縊死
自盡

錦衣衛千戶高文采守宣武門一家自殺十七人狼籍于

中路

光祿寺署丞于騰蛟大興人冠帶呼妻命服同縊死

儒士張世禧同二子懋賞懋官皆諸生投御河死

順天府學教官五人並縊明倫堂上死之

諸生曹文耀生四子選肅敏毅一女順娘城破文耀率子

女哭于家廟文耀父妾姜毅妻鄧順及乳母孟與肅敏

八人同縊死

童生周某憤激椎胸嘔血數升一嘔而絕

居民李小槐合門自盡

贈中書舍人布衣湯文瓊自書其身曰位非文丞相之位

心存文丞相之心合門死之

長洲生員贈翰林院五經博士許玟字玉童少時割股療

母張病初夏聞先帝喪痛哭至夕解帶自縊家人救之

明日往福濟觀暗室中投繯道士覺而救之復甦往奔
門躍水中浴藩泊舟見之呼拯之痛哭岸上不肯起其
友丁鉞武擁至其家其弟載歸困憊不能起聞戶外偶
語哀詔至大慟絕粒而嘔。盡繼之以血親友垂泣以
淡飲進之嚼唇悉爛喉腫吐舌寸餘乃死

彭孫貽曰湯文瓊許玳無一命之榮乃舉室自裁嘔血
以死士固有志邪抑將以一死成其名者邪語曰三代
以下惟恐不好名于茲而益信貽又聞之丘學士瑜于
城陷時作絕命詞曰百歲春光強過半匡時力短媿鳴

珂詩書萬卷都無用惟有先賢正氣歌諄々戒子忠孝
方自縊而賊已至斷縊執而慘辱之得間服冰片死方
學士岳貢被桎梏以其廉責輸數百金釋之不食死魏
學士藻德不勝刑辱自勒死魏庶常學濂聞大行所在
夜觀乾象謂鼎草定矣入朝就職觀賊所為知必無成
于賊僭位設朝之日自經死絕命詞云忠孝千古事于
我只家風一死輕鴻毛臨難須從容有血洒微軀官卑
非侍中有舌且存之并遜常山公因約同志友延頸受
霜鋒不能張空拳與彼爭雌雄不能奉龍種再造成奇

功死且有餘罪何敢言丹衷所痛母垂白七十仍尸饗
未葬凡五喪留與子姪封人生誰百年壽夫死所同我
比兄與弟我年獨為豐高堂無傷悲譬不生阿儂辭母
却就父生死猶西東骸骨雖不歸即瘞此詩筒墓木有
拱時清韻入楸松并寄書訣母夫丘相文弱不能勇于
自裁見辱賊手吾舌且在未有罵賊而賊不殺之者何
憊也方魏皆帝所超拔身居台輔豈有苟全之地而遂
巡未訣邪等死耳以視吳橋旦晚則霄壤矣庶常忠孝
名家象緯誤之烏知盜魁之不成操莽也苟自成終遂

帝燕庶常愔然佐命豈父兄之志乎哉篡位不朝歿身
明志惜也其晚然猶愈于風臺竄跡又草于北庭者矣
按文武諸臣死于賊之刑僂者吏部尚書李遇知不勝
櫛矣觸階死嘉定伯周奎櫛夾不死李巖更令擔水執
纍以辱之自經死 英國公張世澤陽武侯薛濂定西
侯伏羌伯錦衣衛鎮撫梁清宏祭酒孫從度給事中王
都願鎡御史馮垣登戶部員外郎范方兵部主事鄭逢
蘭皆櫛夾死 給事中彭瑄郎中李逢申等五十二員
皆被拷于李遇中吉管櫛夾不死者盡絞死 賊先斬

勲衛武職常守經張同方等二百餘員于平則門外自成東行斬勳戚大臣錦衣衛堂上官大學士陳演定國公徐允貞新建伯王先通博平侯郭明振清平伯吳遵周永宣伯王長錫平江伯陳治都督袁祐周銘周鐸周鉉等共六十餘員于西華門外彭孫貽曰賊之犯關也國破君亡諸臣之身殉君國者大小三十餘員被賊所殺者不下四百餘員嗚呼人孰無死所爭旦晚耳丙命大盜之手卒難保其首領不亦愚哉鴻毛泰山君子蓋熟審于此矣

京東西死事諸臣

總督畿南河北山東兵部右侍郎兼都察院右僉都御史

徐標字

進士

人 標駐真定真定兵叛

知府丘茂華聞敵先移家口出城標執茂華下獄登城畫守禦中軍劫標出城降賊標罵賊被殺

巡按山西監軍御史金毓峒字鶴冲甲戌進士保定人

賊犯保定大學士李建泰已病中軍郭中傑繼城降賊入保定毓峒守西門賊執之入三皇廟見賊帥毓峒奮拳毆賊帥仆之躍入井中死妻王氏自經從之從子金

武舉金振孫登城射賊多應弦斃衆潰振孫衣衲襠大呼曰我金御史姪也賊支解之毓峒子嬰婦陳氏年十八與祖母張氏母陳氏嫂常氏盡投井死張抱孫于懷同下侍婢四人從之

保定知府何復甫至未任手熟藥罐焚死字見心山東平度州人甲戌進士

同知邵宗立自經死

太監方正化見殺城上

保定鄉官光祿寺少卿張羅彥自經進士張羅俊罵賊死

武進士張羅輔巷戰手刃數人而死張氏一門婦女幼

子二十餘人俱死

都指揮使劉忠嗣罵賊不絕口身被數槍立不仆死

保定舉人張爾暈抗賊被殺死 高涇被執死水中

河間府知府方文耀字懷恬福建龍溪人庚辰進士賊陷

河間文耀罵賊不屈賊以大棒擊殺之

濟南府推官鍾性樸字文子順天人癸未進士賊至濟南

士民迎降性樸死之

巡撫大同都察院右副都御史贈兵部尚書謚忠毅衛景

瑗字仲玉韓城人進士寇逼大同知府董復鄉紳
韓霖迎降鎮兵潰景瑗被執罵賊不屈磔死

分守冀北整飭大同兼屯牧兵備山西右叅議朱家仕字
崑海陝西河州人戊辰進士大同陷死之

晉餉戶部郎中徐有聲大同陷死之

附

大同府學生李若葵題壁曰一門完節合室九人同縊死
巡撫宣府都察院右副都御史贈左都御史謚忠莊朱之
馮字樂山進士直隸徐州人叛將白廣恩誘降姜

瓌太監杜勳出巡賊之馮懸賞守城無一應者之馮獨
行巡城見紅夷大礮曰汝曹可然此殺賊千百人賊雖
蠢粉我無恨矣衆不應之馮自起然火兵民自後蜂擁
執其手之馮奪侍卒刀自刎死

巡撫山西都察院右副都御史贈右都御史謚忠襄蔡懋
德字雲怡己未進士南直崑山人賊陷汾州懋德屯平
陽阨河上大風慶陵兩挫賊鋒尋因保德州告急還兵
太原賊遂渡河陷平陽巡按御史汪宗友糾懋德代以
郭景昌未至賊犯太原懋德令驍將牛勇朱孔訓出戰

孔訓傷于礮牛勇陷陣死一軍皆沒城中奪氣懋德知必不支寫遺表令贊畫知縣賈士璋間道奏京師中軍盛應時遼諸生也懋德識拔寘麾下見之退歸先殺其妻子誓同死敵賊步騎號五十萬懋德誓衆登陴矢石傷賊甚衆賊天礮擊墜城東角樓風沙大起咫尺不辨賊乘風夜登城守將張雄內應城遂陷懋德拔刀自刎應時奪刀扶上馬欲衛出城懋德曰吾封疆之臣應死封疆若急去勿陷吾不義策馬入三立祠自縊于書院身輕未絕應時解鐵甲覆之候氣絕亦東向自盡其側

左布政使趙建極兵備毛副使及府縣各官六十四員咸死之賊盡尸之城頭

彭孫貽曰蔡中丞之殉太原南中已易名言者追論其失策奪其謚中丞忠肝義胆文謝之流必責以制勝克敵信國且有所不能當保德告急大敵臨河宜遣將西援而身過其東渡大風慶陵固賊之游騎非闖之全師狃小勝而忽大寇誠計之失也然使太原不返三晉之全師力拒于河上亦不足以當闖何則平陽之將不過遇敵輒潰之陳尚智非闖之敵也然則闖之渡河在三

三晉之無兵不盡在撫臣之失策昔李若水勸二帝詣
金營難辭于誤國然錄忠臣者必及之又何疑于蔡撫
也

鎮守宣大鎮朔將軍中軍都督府左都督贈太保謚忠武
周遇吉字實庵人遇吉先守代州十六年賊犯代
州賊殺萬餘移守宣武閔妻劉氏工騎射賊臨閔脅降
檄五日不下且屠城遇吉積薪于門誓必死悉力拒守
大礮擊殺賊萬餘火藥盡軍民俱請款賊遇吉曰我守
三日殺賊萬餘賊期五日若輩何為甘心降賊從我力

戰勝一軍盡為忠義萬一不支縛我以獻不過我為俎
醢耳若輩必無恙開城出戰奮擊殺賊數千人賊潰亂
相蹂將引還有獻策曰我衆彼寡以十擊一無不勝但
貴別主客耳去帽為辨番別戰不二日可盡也復進番
休大戰脫帽以自別閔兵始勝終敗遇吉揮短兵力戰
矢被體如蝟牙兵零落盡遇吉被執闖賊陳兵脅降之
奮髯大罵築其膝終不可屈縛于市梟之至死罵不絕
遇吉出戰劉氏佩弓矢巡城知遇吉死歸自縊舉火合
門自焚城中婦女無不自盡者賊屠宣武嬰稚不遺自

成歎曰苟關隘守將盡如遇古吾豈得至此
鎮守昌平總兵李守鏢字景暘龍驤衛世襲指揮賊陷昌
平守鏢罵賊不屈賊命執之守鏢手格殺數人賊不能
近環而圍之自刎死

秦中及邊鎮死事諸臣

督師總制應鳳江皖豫楚川黔總督陝西三邊軍務兼理
糧餉兵部尚書兼都察院左副都御史孫傳庭號白谷
已未進士山西代州人傳庭為陝撫降賊番山鷄擒闖
王高迎祥命與陝督洪承疇并兵勦江南未幾入衛改

保定總督以失聰辭上怒逮繫獄迨秦師再敗上赦傳
庭起督三邊合秦師救開封會師西安斬逃帥賀人龍
整兵出關用高傑為前鋒屢勝賊于河南遂輕敵長驅
嚮汴自成清野鈔傳庭餉道殺陳永福兵飢潰于南陽
諸軍西走賊疾追一日馳逐四百里官軍死亡者四萬
人甲仗軍資盡為賊有傳庭收合散亡走潼關一隻虎
追獲督師坐纛疾走至潼關給守關者乘間突入官軍
大潰退保渭南闖賊合大眾攻渭南傳庭陳于城西賊
繞道襲破城東傳庭橫刀衝賊歿于陣

監軍僉事喬元柱定襄人以明經為傳庭奏薦與傳庭同
死戰歿于渭南

渭南知縣楊暄城陷被執不屈死之
撫治商維道兵備副使贈光祿寺卿黃世清字澄海山東
滕縣人甲戌進士賊陷商維世清不屈死之
彭孫貽曰秦師之出天下安危係焉河北之兵久頓不
前賊無反顧之憂清野以誘秦師鈔餉道以困之孟德
所以勝于白馬也傳庭護前而不慮後長驅墮其圍中
使諸將協心敗而能救猶未至于大衄用廣恩選懦之

帥叅以高傑無制之兵勝不相先敗不相顧四萬士馬
甲兵咸齎盜矣疾走潼關據其天險斬潰逃之將養夷
傷之家可徐觀大寇之變柰何以百二之固延寇入秦
也雖然傳庭雖僨軍之將乎軍敗則死猶賢于丁督之
奉頭鼠竄覩顏不死者余故收之死事之列焉
巡撫陝西都察院右副都御史贈右都御史馮師孔字景
魯丙辰進士河南原武人一隻虎進圍西安師孔督兵
戰城東兵敗被執不屈死之

陝西按察司按察使贈太僕寺卿黃炯城陷自盡

長安縣知縣贈陝西按察司僉事吳從義西安陷投井死
西安衛指揮使崔爾達城陷赴井死

奉府長史章世炯自經死

都司吏邱從周罵賊死

西安縉紳磁州道副使贈太僕寺卿祝萬齡聞城陷太息

曰國家滅澤二百餘年不能固民心如此深衣大帶入

關中書院拜先聖曰殺身成仁捨生取義萬齡敢背天

子訓歸復拜辭家廟入書室局戶自經萬齡字九如咸

寧人丙辰進士

吏部尚書贈太子少師渭南、企仲為賊所執不屈死于

路

禮部主事贈光祿寺少卿渭南、居業罵賊死

巡撫宣府都察院右僉都御史三原焦源清不受偽職被

慘死

巡撫大同都察院右都御史三原焦源溥罵賊斷舌死字

涵一癸丑進士

山西叅政田時震不受偽職自經死

巡按山東御史贈太僕寺少卿王道純奉母隱蒲城北數

村執至西安罵賊死

山東監軍僉事王徵七日不食死

解元席增光不受偽職赴井死

咸宜舉人贈順天府宛平縣知縣朱誼泉不受偽職投井

死

蒲城知縣朱一統字霞軒山西平定州人庚午舉人率士

民守城胥隸通賊脅其降給以更衣抱印投署中井死

中部知縣朱新懋字開之汾陽人宗貢賊分兵畧廊延新

懋知城小不支先令妻妾俱縊一妾未筭遣去亦垂泣

投縲新懋自經死

整飭榆林中路右叅議贈光祿寺少卿都任字宏若河南

祥符人癸丑進士初任至延安憤闖賊所至掘陵墓拘

李氏宗族詰自成祖父骸骨所在皆云不知任怒曰吾

將盡掘李氏墓始有言者發視膚色如生骨且有肉又

挫糞瀦之賊犯榆林力拒十三晝夜殺賊亡算賊增兵

力攻破成都任謂家人曰死矣不可汙賊手因合室縊

死

榆林閒住總兵尤世威自成以數萬金招降榆林諸將

大寇隨之總兵王定將夷漢丁走出塞叅政都任令游擊惠顯歛兵入城集士民議戰守總兵王世欽侯世祿侯拱極尤世威皆閒居會于庭世威挺身起曰威等世受國恩期以死報有異議者斬萬口同聲誓死同守兵世威為長主號令自成遣偽官反復講三日斬賊使毀招降牌自成怒進攻城上強弓疊射賊尸山積賊以大砲擊城之頭亦以大砲反擊賊人馬辟易諸將悉力拒守十三晝夜斃賊萬人賊增兵力攻洞車四面穴城東南城崩數十丈賊一湧入遂陷都任合門自縊世威縱

火焚其家百口俱燼揮刀突戰力盡自刎死諸將分部巷戰殺賊千人賊至益衆自午及暮矢盡刀折殺傷殆盡無一降者僅存千餘出走合城婦女投繯蹈井罵賊無一生者

死事大將則總兵尤世威侯世祿侯拱極王學書王世欽王世國李昌齡李昌期偏裨則副將尤程文常懷德李登龍張發楊明游擊孫貴龍養崑守備白慎衡李宗叙皆家居者也守將則游擊傅德惠顯潘國臣李國奇晏維新陳二典劉芳馨劉庭傑文侯國守備左勉惠漸

賀大雷楊以偉榆林衛指揮使李文焜衛所各官數百人榆林勁兵冠諸鎮頻年餉絕軍飢困苦萬狀諸將忠義奮發合城俎醢而不少挫

彭孫貽曰賊入秦穽掃諸邊無衝及者惟榆林力抗于前宣武血戰于後不特將士死綏即婦女無一汙賊手者精忠壯烈光耀日月飲泣鬼神三百年養士之恩不在簪紳而在韎韜食祿者庶幾知所媿矣

巡撫甘肅都察院右副都御史林日瑞字浴元丙辰進士福建詔安人鳳翔蘭州莊涼俱開門降賊圍甘州乘

雪夜登城日瑞自盡軍被殺四萬七千餘人

甘肅總兵郭天吉甘州陷死之

甘肅同知藍臺甘州陷死之

分守湖西道駐劄慶陽右叅議段復興字徽繩甲戌進士山東陽穀人賊攻慶陽堅守四日不支城陷死之

慶陽知府董琬字珥石開州人官生城陷死之

鄉紳太常寺少卿麻禧城陷死之

附流寇始亂秦中死事諸臣

畧陽守備黃元極大破賊于漢中當先突擊馬蹶步鬥死

漢南盜平

甘泉知縣郭永圖崇正四年降賊混天猴勾盜陷甘泉劫餉銀十萬八千兩永圖死之

河西兵備僉事張允登擊賊甘泉戰死

葭州兵備僉事郭景嵩甘泉賊陷葭州景嵩死之

鄜州兵備郭應響崇正五年盜入鄜州應響死之

盜武守備猛忠崇正五年賊犯沁水忠將前鋒擊賊遇伏戰死

陝西都指揮使張應春總兵張全昌大破賊于陝西應

春追賊張家川中伏戰死之

陝西援勦總兵曹文詔驍勇敢戰援勦陝西河南山西殺

賊萬計賊深畏之崇正八年追賊婆羅寨寇大至兵寡無繼力戰不支自刎死

彭孫貽曰西寇皆邊兵也久歷行間必有能者敗奔之餘必設伏以拒其後諸將陷其伏者非一矣文詔百戰之將輕騎以躡數十萬之寇其敗宜哉惜其狃于累勝而不虞其誘也

分守固原叅政贈太僕寺卿陸夢龍字景鄴庚戌進士浙

江會稽人流寇擾延固夢龍練兵數千往來追勦身先
士卒累有斬獲崇正六年八月流寇破隆德殺知縣費
彥芳圍綏德夢龍以兵往援賊至甚衆夢龍握槩直衝
賊陣後軍不進羣矢射夢龍中臂不能運槩為賊所得
夢龍每戰當先賊多識之齊呼曰此能戰陸叅政今為
我擒矣夢龍奮擲大罵攢槩刺之死賊退收其尸首中
五刃怒色如生

彭孫貽曰南中士大夫知兵者惟盧公九台陸公景鄴
而已二公臨敵必橫刀握槩匹馬為士卒先手斬羣盜

血被甲裳是以將士用命所向有功盧公在井陘陸公
在川黔苗蠻亡魄強寇潰遁真千城保障哉乃盧公終
歿于賈庄陸公殞身于賊手壯烈不終何也夫亦朝廷
用之不盡其才也盧公為國元戎身當門庭之大敵乃
監之以宦寺掣之以中樞號令不一戰守不同以至於
敗亡陸公所將不過數千以當數十萬之寇士援而敗
宜矣苟令軍容不設畫護諸將盧公足以有功否亦不
至于覆沒以陸公為督撫盡將西邊之勁兵掃羣盜如
卷籜耳何至如楊鶴陳奇瑜之縱寇流毒也

附

陽城舉人贈試御史張履旋吏部尚書張慎言子李自成自秦渡河賊至陽城履旋遺書別父投崖而死
中州死事諸臣

兵部尚書謚忠節呂維祺字豫石癸丑進士河南人居城陷遇福王出西郊語王曰名義甚重毋自辱王不聽卒行維祺自縊死

河南府通判白尚文賊陷河南尚文守城墜樓死
典史不屈見殺

河南衛指揮使李宜棟死城上

福藩內官崔昇年十三隨王出避于周公廟賊跡得王執之王色怖昇勸王勿屈抱王不去并見害于周公廟尸王城上承奉二人乞葬王而就死自成許之棺殮王墓西關二承奉自盡于側

總督陝西三邊軍務兵部右侍郎兼都察院右僉都御史贈兵部尚書太子太保傅宗龍字括蒼庚戌進士雲南昆明人崇正十四年宗龍將川陝兵二萬與保定總督楊文岳會師賀人龍李國奇將陝兵虎大威將保兵結

浮橋渡河趨項城兩軍畢渡闖曹亦為橋上流趨汝寧
覘兩督兵至伏精銳于松林陽驅諸賊西渡兩督兵
夜會于龍口知賊已渡疾走三十里次孟家庄馳甲兵
求芻牧伏起林中人龍擁兵不戰固奇戰不勝人龍大
威奔任邱三帥師盡奔二督合兵屯火燒店賊以步營
攻之鳴礮殺賊數百人日暮引去宗龍軍西北文岳軍
東南保兵挾文岳宵遁奔項城宗龍分秦兵壁東南文
岳奔陳州宗龍飛檄趣二帥還兵救之二帥叩沈邱不
納走陳州宗龍穿塹築壕賊亦重壕以困之三日秦師

食盡殺馬羸以食又四日馬羸鉛矢火器俱盡宗龍簡
士卒夷傷之餘有衆六千二更齊突賊營殺傷千餘潰
圍出宗龍率諸軍步戰且走日中至項城猶八里賊及
之執宗龍叩城詐稱秦督官丁請啟門納秦督宗龍大
呼曰我秦督也不幸墜賊手母為所給賊抽矢擊宗龍
中腦仆罵之斷鼻而死賊攻陷項城屠之宗龍死家人
收勅印交任邱奔訃雲南宗龍父大笑曰我兒十七登
賢書十八成進士按浙撫川薊總督西邊官至尚書戰
死報國幸矣大聲稱好者再宗龍母泣曰子死不悲撫

掌欣然翁何太忍乎曰世事不可為非久同歸于盡今
死疆場尚得死所自古皆有死如吾兒祖宗厚德之
報也何幸如之

巡撫陝西都察院右僉都御史汪喬年字歲星壬戌進士
浙江遂安人喬年收秦督兵合步騎三萬以總兵鄭嘉
棟牛成虎賀人龍將之趨河南喬年發李自成先世家
得小蛇斬蛇誓師兼程進以輕騎萬餘抵郊縣喬年次
襄城闖賊解鄆城圍迎戰喬年立營未定賊至二帥先
遁賊乘之秦師潰喬年以數百人入守賊攻五日城陷

喬年自刎未殊被執見殺

平賊鎮副將贈榮祿大夫都督同知李萬慶 萬慶為賊
號闖塌天以降賊屢立功同汪喬年守襄城賊盡銳攻
之城陷被殺

平賊鎮副將贈特進榮祿大夫左都督劉國能 國能同
闖曹作賊號飛虎誓為兄弟共事闖王高迎祥國能至
孝其母不樂子作賊奉母命將騎數千衆萬人降左良
玉于許州曹操恨之誓殺國能既破二督聞國能在葉
移師圍之拔其城遂執國能責其負約殺之有子八歲

甲申以後古蹟
卷一
三

闖賊收之抱至膝拔所帶小刀自殺因能妻亦死之事

聞贈卹命與李萬慶同立祠襄城

援勦總兵猛如虎立功川陝子先捷戰死開縣如虎從

秦督至河南守南陽賊乘勝圍南陽數日城陷唐王被

難如虎死之

鄆陵知縣劉振之

賊陷鄆陵振之力絀衣冠北面再拜

自刎死

鄧州知州劉振世

賊陷鄧州死之

睢陳道副使贈太僕寺卿閔永傑字

甲戌進士

人闖曹合羣盜八十萬圍陳州圍周四十里永傑與知

州侯君擢合士民死守傷賊亡算力竭城陷永傑死城

上

陳州知州侯君擢城陷被執罵賊死

鄉紳崔泌之舉人王受爵賊破陳州猶手刃數人被殺

左通政使李夢辰闖曹陷睢州死之

宣府巡撫張維世賊復陷太康死之

歸德府推官王世琰賊陷歸德死之

陝督標副將孫枝秀破賊冢頭躍馬追賊擊殺數十騎

賊圍之馬蹶被執挺立不撓臨之以刃張目不能答一人曰孫副將也殺之

參將黑尚仁被執不屈同孫枝秀見殺材官小將戰死者

張映奎李栖鳳任光裕戴友仁以下七十有八人

總督保定兵部右侍郎兼都察院右副都御史楊文岳字

斗望己未進士四川南充人闖曹回草左諸賊自上蔡

汝寧陽分道犯汝寧文岳守汝賊至壓城五里文岳以

保兵屯城西監軍孔貞會以川兵屯城東賊進攻相持

一晝夜川兵潰被殺數百人賊奪其馬騾悉眾攻保兵

漸不支分巡僉事王世琛繼將士入城副將賈悌參將

馮名聖掖文岳貞會上城共守賊四面環攻矢礮雨集

死傷山積百道俱進城陷文岳世琛賈馮二帥朱通判

皆被執城頭汝陽溫知縣死城上傳知府赴井死賊擁

文岳等見闖曹諸盜于城西文岳罵賊世琛朱通判皆

不屈賊怒縛文岳等將至城南三里店大礮擊殺之闖

賊墓文岳題樹曰忠臣楊文岳墓

分巡汝寧僉事王世琛初為河南府推官屢却賊矢貫

耳不動號王鐵耳以才望補僉事同文岳死

崇王妃張氏賊執崇王索寶冊不得將拷之妃大罵賊
先殺妃并及二子

彭孫貽曰文岳之為保督救開封則頓兵河北而不敢
進戰項城則棄秦督先奔而不相顧強敵壓郊成將噪
遁文岳之紀律可知也惟是碎身賊庭氣不少挫道府
將帥同城存亡即大盜亦目以忠臣庶幾無愧死綏乎

江北死事諸臣

穎州知州尹夢鰲 通判趙士寬 崇正八年大寇圍壽
州分兵陷穎州夢鰲尹寬合室死之

鳳陽府推官萬文英 鳳陽無城郭賊至知府顏容暄囚
服匿獄中為賊搜出賊鼓吹坐堂上杖殺容暄 文英
聞賊至死之

鳳陽衛指揮使包文達 揮刀陷陣流矢中脅被執欲降
之罵賊、斫斷左臂罵不已斷頭乃死官吏死者指揮
使程永宣等四十人

和州知州黎孔慧 賊陷和州 慧與學正康正諫訓導
趙世選管總周廷儒死之

御史馬如蛟兄運使如虬諸生如虹和州陷全家盡難

霍邱兵部尚書張鶴鳴家多火器蒼頭屢傷賊怒攻
陷霍邱入鶴鳴家刀劈鶴鳴頂至踵分之全家被禍尤
酷

舒城翰林院編修謚文節胡守恒 獻賊攻舒城知縣以
喪去守恒率士民共守七月餘客將孔庭訓兵淫掠舒
城人拒之廷訓降賊導攻城射書脅降守恒燔書城上
賊購長須胡翰林縛獻者予千金否則屠城 陷有勸
守恒曰公須顛如此賊購公急截之可走免守恒不可
賊得守恒剗刃其腹殺之

池河守禦劉孔輝把總陳正華陳三善 三將以五百人
守東岡滁陽敗寇數萬突至圍之孤軍不支三將力戰
突圍赴水死一軍盡沒

援皖副將程龍潘可大 二將 吳淞兵三千駐安慶屢
却賊十年二將 兵屯宿松鄆家店分營扼賊 騎三
千犯可大營勒兵出戰龍馳援東西夾攻擊賊傷衆遂
遁二將見賊勢大合兵共守度賊必夜至設伏營外二
更賊至伏起合圍賊驚自相蹂尸填陂塘亡算兵備史
可法謂賊勢大難與相持兵威已振退屯要害可不敗

二將謂屢勝不宜示弱掘塹遠偵明日賊七營數萬齊
至分屯四山圍數重二將突擊殺傷百餘退休壘中史
可法許自強以吳淞兵六百馳救之不得進鳴大礮遙
為聲援二帥圍中鳴礮以應之突圍雨濘甲重不得出
食盡兵飢明日日中賊萬騎四圍衝壘入營中火器盡
短兵接戰步騎衆寡不敵二將陷陣死潰圍出者十餘
人

徐州舉人閻爾梅 都城陷偽制將軍董學禮至淮上以
兵衛偽州牧武愷至徐州官吏遠迎爾梅毀其檄愷執

爾梅下獄中作詩曰死國非輕死敵輕鴻毛敢與泰
山爭楚衰未必無三戶夏復由來起一成日月有時經
晦蝕乾坤何且不皇明寵新豈是承天眷空自將身買
賊名使人送懷大怒斃之獄中爾梅慷慨就死神色
不挫

楚中死事諸臣

巡按湖廣御史林鳴球字

戊辰進士

人熊文燦

招降猷操于穀城不聽調發散解之令左良玉鳴球謀
誘執猷忠殺之文燦不從猷操復叛九營並起猷忠脅

鳴球奏請封以襄陽不從為所害

穀城知縣阮之鈿 獻忠據穀城以叛之鈿瀝血書絕命

詞乃死

荆襄兵備副使張克儉 獻忠襲陷襄陽克儉死之

襄陽府推官鄺日廣 襄陽陷被執罵賊死之

署襄陽縣事李天覺 聞城破北面再拜置印于案自經

死

隨州知州贈光祿寺少卿徐世淳字中明浙江嘉興人戊

午舉人筮仕隨州操獻合兵陷隨州世淳埋印署後勒

馬巷戰矢貫于頤刀屬于頰眼鼻橫斷墮馬世淳左手

握印箱右手掣佩刀賊鉞刀交下陷胸穴腹以死妾趙

氏子諸生肇樑皆被難

荆州舉人陸師贄 闖賊下荆州師贄碎賊檄倡義討賊

無應者乃自盡

鍾祥知縣蕭漢 治縣有賢聲賊破承天戒部下殺賢令

者死幽之寺中戒僧曰令死屠而寺僧謹守漢曰吾盡

吾道不礙汝法遂自經

江陵舉人陳萬策 李開先 闖賊下襄陽偽侍郎喻上

猷薦列荊州紳士賊檄徵之二人不受偽檄萬策自經
開先觸牆死

衡陽知縣張明翼猷忠破衡州明翼罵賊不屈縛擲中
流死之

分守武漢黃副將崔文榮字二水浙江海鹽衛世職猷
忠犯漢陽文榮自武昌夜渡襲賊營斬首六百衆議撤
江上兵守城文榮曰守城不如守江守江不如守漢磨
盤煤炭諸洲淺不及馬腹縱之渡而嬰城坐困非策也
猷忠渡煤炭洲文榮扼之洪山寺小有斬獲大寇畢渡

歛兵入城大學士賀逢聖與文榮同守武勝門賊攻門
文榮禦之多所殺傷楚府應募兵內應開文昌保安門
城遂陷文榮躍馬鳳皇山杼矛大呼殺三人攢槩刺之
洞腋死

楚府長史徐可顏將楚府兵躡江夏事城陷學顏揮刀
與賊格斷左臂握刀不仆賊支解之

太子太師武英殿大學士謚文忠賀逢聖字對揚丙辰一
甲進士江夏人聞城陷還家朝服北面再拜巨舟出墩
子河中流鑿舟全家十二人俱自沈逢聖尸沈百七十

日不壞始克殮葬

黃州貢生馮雲路力學著書不就徵辟賊慕其名徵之不

屈而死門人諸生汪陞亦死之

福宜道副使樊維城字允宗己未進士黃岡人獻忠破黃

州維城遇賊府學門下罵賊不屈賊援槍洞其胸死

黃州生員易為瑚父道暹名重海內先與次子為璉罵

賊死為瑚至是死之

麻城教諭蕭頌聖麻城諸生周文江為首迎賊頌聖自

殺

武昌知縣鄒逢吉

獻忠渡鴨蛋州陷武昌縣逢吉死之

巡撫湖廣都察院左僉都御史宋一鶴字

人乙

榜至開府賊陷承天知府開門迎賊一鶴率兵下戰牙

將願負之出奔一鶴不可巷戰死之

保康知縣石維壇闖賊陷保康死之

隨州知州謚忠愍王燾賊再陷隨州死之

長沙府署府事推官蔡道憲字元白號江門丁丑進士福

建晉江人武昌陷楚府王聚奎奔長沙道憲曰長岳唇

齒也并力守岳則長沙可保而衡永無虞聚奎還屯岳

數日驅萬人南徙入長沙所過抄掠如洗遂走湘潭賊圍長沙呼道憲于城下曰軍中知爾名可速降毋自苦道憲挽強弓射之獻忠怒攻三日城陷道憲被執不屈磔之健卒林俊三人追持不去脅降不動并殺之四人請葬道憲而後死賊許之解衣裹骸骨葬南郭皆自經其側

巡按湖廣御史謚忠毅劉祚熙字仲緝武進人乙榜歷官御史寇陷湖南祚熙至永州督水師禦之遣中軍護三王入廣西祚熙入城拒守奸人開城迎賊執祚熙脅

降不屈囚潁陽驛閉目絕食題壁有死生遲速皆前定堅此丹心映楚天旬數日不死獻忠屯宜鄉執之至營臨以白刃終不撓復囚之先師廟中大書于壁有刀鋸在前鼎鑊在後莫謂可憂可傷天地在上鬼神在旁惟有勿撓勿懼烈胆義肝自有生來賦予已定忠君報國從學問中體勘得真白刃堪蹈青史無汙諸語獻忠復令人諭降不應臨之以刃大罵不已被殺廟中血面剝腹橫曳倒磔以死

丁卯舉人馮一第字根公長沙人長沙不守走湘鄉將

乞師酉陽以圖殺賊為賊所得斷兩手置營中一夕死
四川死事諸臣

叅將張令將川兵七千與曹操遇天星戰于陟溝子令先
登冒流矢墜馬回營卒諸軍大破賊

叅將劉士傑驍勇屢立功追賊開縣賀人龍兵不至士傑
以所部前擊賊總兵猛如虎以其騎從之賊奔山巔見

後軍無繼以精銳繞谷中出我後反兵馳而下左兵潰
士傑及游擊郭閔如虎子先捷皆戰死如虎突圍出賊

遂東走監軍萬元吉祭陣亡諸將于開縣哀動三軍

巡撫四川都察院右僉都御史劉之渤字

人賊

陷成都以之渤同鄉欲降大用之之渤大罵遂見殺

四川總兵劉鎮藩 成都陷投萬里橋下死

州知州蘇瓊 獻忠陷瀘州死之

原任四川巡撫龍文光 成都陷文光及道府皆死之蜀

王投井死合官被害

原任四川巡撫陳士奇賊陷重慶被殺 執瑞王將副之

天雷大震獻忠大呼曰天示雷電令我不副瑞王耶必

副王天其柰我何雷旋止王被磔合官被害

甲申以後故臣表卷之二

淮南彭孫貽昇仁著

南中死事七臣表

太子太保吏部尚書張捷字亦涵南直丹陽人癸丑進士
 捷孤立獨行意所不可名流無所假借崇正時居言職
 引繩批根衆所側目馬士英阮大鍼將翻三案而南昌
 相國陽城嘉興二太宰堅持之馬阮患之起用捷、雖
 違衆矚、自好矚然不滓也聞宏光出亡微行至雞鳴
 山寺托其母于故人因入室書壁生為明臣死為明鬼

以佛幡帶自經死
朱近修吳越死臣記謂公呈議瑞案卒能致命瑞案固
有誣歟抑晚蓋歟公生平自有本末雖違衆獨行其意
固未嘗罹瑞案但與東林諸公多所不合好事者厚誣
之欽案要典具在何不一考也

都察院左副都御史楊維垣字斗樞彭城衛籍丙辰進士
聞駕出狩將自經二妾朱氏孔氏先自縊市三棺自題
其中者曰楊維垣柩旁列二妾並寘中堂乃自經死
夏存古土室餘編曰南京陷其子某勸之盡節未決其

子先自經乃自畫譚冠若甲乙彙畧謂維垣感二妾自
縊買三棺自題楊某之柩並埋中堂身挈一僕夜遁至
秣陵為怨家擊殺數日僕跡之尸為犬食其半朱近脩
吳越死臣記維垣自題郎壁歷任本末生年日月卒于
乙酉五月十一日謂其甥徐曰未書時容補之引觴問
朱氏孔氏云何相繼投井死市三棺自題其一引二僕
遁去至秣陵聞怨家殺之按此三說皆誣也楊副院向
罹瑞案起自謫戍久被摧抑不能無恨登用之後請重
定要典欽案衆正側目得罪公論不卹也本末功罪自

不相掩至其死難昭然蓋棺論定朱夏諸君以門左之
成見亂執簡之聽聞至謂題棺潛遁暴尸犬殘何其誕
謬若此哉冠若是非尤謬如謂宋學朱翁鴻業之死節
濟南也皆潛歸削跡詐死非真夫自兵亂以後生還者
多朝廷未嘗深誅亦何用詐也古之良史于忠臣義士
必掩其小疵申其大節今也反是索瘢于無瑕修郤于
朽骨百犬吠聲一蠹射影豈勸善垂戒之義乎
協理戎政兵部右侍郎加正二品服朱之臣字菊水成都
人甲辰進士南京不守死之

戶部江西司郎中劉成治字廣如湖廣漢陽人甲戌進士

自經二僕咸殉

戶部山西司主事劉邦弼字方勗南直華亭人甲子舉人

自經孝陵松樹下

禮部儀制司郎中劉萬春字忠孚泰州人丙辰進士豫王

至閉戶不朝執之不屈因斬之

禮部儀制司主事贈光祿寺少卿謚忠裕監國贈太僕寺

卿謚忠簡黃端伯字元公號海岸江西新城人戊辰進

士為杭州推官清苦自厲佞佛去官削髮去入山奉旨

查勘入都與考選多用內典因乙之授禮部豫王入南
京閉戶不朝署其門曰皇明守節孤臣黃端伯因被收
道達豫王方出南門報國寺行香端伯憤懣大哭趙之
龍請殺之豫王不許執送營中不屈踞地坐轉而南向
抗聲願速死營帥曰王欲官爾曰臣無二君營帥曰聞
爾事佛從我而北為國師何如曰自古豈有不忠不孝
佛法耶營帥曰宏光何如主乃願為死曰聖主曰飲酒
好色何為聖主曰君父不言過爾等不飲酒不掠婦人
耶又問馬士英何如相曰賢相曰此人安得為賢曰不

事二君即賢矣張目直視左右願王鐸錢謙益等咸低
頭自失謙益曰新朝欲爾為千秋事曰堂官當率屬以
正何為教以不忠耶公等自為千秋我自盡今日事耳
因送江甯縣監之遣其同年梁雲構說之終不移踰數
月僂于市一僕殉之其絕命詞云問我安身處刀山是
道場就戮語操刀者曰吾宿生曾刺汝、乃梟吾首報
過當寃不解矣操刀者下拜起刺其背死棄家為僧不
返

中書舍人龔定祥字佩潛南直無錫人癸未進士南京陷

日自以後古自表
卷二
四
屢求自盡為家人所持步至武定橋躍入水死
中書舍人陳爇字胤葉河南孟津人癸未進士同子舉人
伯俞皆自盡

欽天監中官正陳子階字瞻一南直上海人自經于真教
寺樓南都死難者自于階始

應天武舉黃金璽字玉彩其弟舉人金榜謁選北都得
知州北京陷脫歸金璽責其不死南都陷失守金璽題

絕命詞自經死

國子監生吳可箕新安人聞難題詩雞鳴山関將軍廟壁

自經死

金陵馬夫

為部郎牧馬豫王入南京各官迎見部郎諭

馬夫明晨早來對曰何事尚欲來乎及旦待馬不至召
之馬夫已自經死

秦淮河上乞兒甲申自北來乞食金陵金陵陷乞兒碎

椀畫壁曰三百年来盛治朝兩班文武盡降逃網常暫
寄卑田院乞丐羞存命一條畫竟投河死土人藁葬墻
側或曰非乞兒北來之隱于乞者

附

太子太傅戶部尚書東閣大學士高宏圖號硯齋山東膠州人庚戌進士遭亂無家引退後再逢國變寄栖吳門僧寺復遷會稽清帥以書招之逃至新昌野寺以幼子託門下客乃卒

刑部尚書高倬字支樓四川忠州人聞帝出狩自縊或云遁去

少保兼太子太師工部尚書何應瑞字大瀛山東曹州人庚戌進士聞變自縊墜地損左足卧不起豫王查不朝者命執之索劍自刎其子持之厚賄使者以病篤聞乃

舍之歸卒于家

南中百官不與迎降者戶部尚書張有譽吏部侍郎陳盟刑部侍郎王心一太常少卿張元始光祿寺丞葛舍馨給事中吳道蔣鳴玉禮部郎中周之璵兵部員外黃衷赤太僕寺主簿陳濟生等凡二十餘人有譽字靜涵江陰人壬戌進士潛居青陽不入城市陳盟號雪灘官順人壬戌進士蜀中破不能歸潛居台處往來嘉湖僧服晦迹心一字元珠吳縣人癸丑進士元始字詎叟蒲州人戊辰進士吳道字幼洪長洲人丁丑進士鳴玉字

楚珍金壇人丁丑進士之璵字玉鳧長洲人甲戌進士
 袁赤字復心宜興人舉人濟生字瀛環長洲人官生
 彭孫貽曰甲申之變殉國者公卿將相三十餘人南都
 死者寥、勲臣殿爭藩鎮跋扈廷議置于市闕靖國而
 外死國不聞賣主求榮者皆勛貴也誠意雖托跡波臣
 不足以贖當朝之囂訟非史相外殉封壇曷耳無一人
 矣張楊二公就義炳然黨同伐異者猶厚訛之清議之
 不足憑也久矣宜乎嚮之自負為正人君子者相率而
 紆徂燕山也

河北死事諸臣

督輔監軍兵部職方司主事監各鎮兵馬兼經理招諭河

北山東改巡按山東河南監察御史贈兵部右侍郎謚
 忠烈凌駟字龍翰南直歙縣人癸未進士初監李建泰
 軍建泰兵盡潰駟留山東臨清巨商捐貲起義兵奉駟
 為主駟聯絡濟寧青州諸義旅聲勢甚盛建泰仕大
 清薦駟以駟巡撫山東駟因密邇北境未敢顯絕之遣
 使奏聞請速發兵援山東因改駟巡按山東給空百張
 已三大清下山東駟走河北復改駟巡按河南給吏部

札三十張兵部札百張以待矢義南歸者
家寨王之綱邀駟南避不可之綱退屯宿州豫王至歸
德駟遺書願盟好勿輕南下否則揚子江頭凌駟即錢
唐江上伍胥也豫王入歸德駟仰藥不死豫王札遇之
駟遣姪潤生間道賫上勅書自經死潤生亦自盡贈駟
兵部右侍郎贈潤生試御史

附

兵科給事中沈迅字羽公山東

人辛未進士

兵定山東故臣多仕於北迅散家財舉義兵築城自守

圍急合門焚死

湖廣道御史王與肩字永錫山東新城人戊辰進士家居

聞京師陷同妻子登樓縊死子士和字元協諸生亦死

清河知縣朱帥欽慶藩宗貢棄官走吳橋為防禦使閻

傑囚之德州貢士馬元騷諸生謝陞糾眾殺傑并偽州

牧吳徵文出帥欽奉為主權稱濟王山東響應四十餘

州縣清兵收山東謝陞盧世淮迎降帥欽走死元騷

奔金陵

揚州死事諸臣

太 兼太子太師督師兵部尚書建極殿大學士史可法
字道隣錦衣衛籍河南祥符人戊辰進士 起家部郎
備兵安慶陞巡撫日與獻操回草左諸大寇用兵江楚
之境屢破賊有功督漕淮上衛陵護餉四方士大夫過
淮者人人得盡其言隱然公輔之望遂晉留樞強藩大
寇交伺于舊京可法至南都器重先大夫疏補職方同
心共事致、商推或中夕下教秉燭裁答數起釐剔軍
伍積弛自奉極清苦至獲異材猛士立捐千金不惜也
備監韓贊周有士君子之操可法與贊周謀各分五軍

精練之先大夫諫曰明公國之元帥分營而將則偏裨
之事矣可法曰政在內臣久矣不如此有掣吾肘者不
能吾意卒分之北京陷合文武內外諸臣謁告孝陵定
策迎立福邸于淮上士英請入朝拜疏即行衆推可法
及姜曰廣高宏圖並入內閣可法仍理兵部事衆望咸
倚可法勲臣劉孔昭朱國弼共推戴士英入內閣士英
薦阮大鍼知兵大鍼復引楊維垣陳以瑞並起盡翻三
案可法爭之不能得因請督師江北以避士英可法既
出遂不得與聞南都大計矣建立四鎮以衛江北黃得

功與高傑爭揚州可法命萬元吉馳江北解之乃罷兵
傑兵肆掠揚州拒城為守傑圍揚州巡撫黃家瑞不能
止日與揚民仇殺可法入傑軍中諭解之傑疑之盡以
親信易可法近侍可法坦懷待之日以大義訓勉傑
感悟退屯瓜州揚城始開可法日請出師此伐復國仇
中朝外鎮皆不應山東河北次第歸清李成棟王之
綱棄信南奔許定國襲殺高傑于睢州可法謂傑罪狀
頗有今有朝廷藩鎮而定國擅戕大帥此而不問無以
服諸鎮心定國走降大清導豫王渡淮劉澤清棄淮

走海上清兵至揚州可法飛章告急時左良玉犯關
聲討士英士英大懼盡撤黃得功黃蜚黃斌卿方国安
江上之兵二十萬西拒良玉棄揚州不救豫王至揚州
攻陷新城屠之可法守舊城大清盡銳獻城可法焚
其檄遂進攻可法禦之小有斬獲大清盡銳攻北門
大礮擊之死者甚衆攻益急可法血書請救不報開城
出戰清兵破西門入可法自刎死屠揚州豫王至南
京命立可法祠優卹其家
彭孫貽曰史相生而短小机警絕人其在南中出入無

時坊市巷曲無不至也服數更人無識者下情無不周知馬阮之徒不能死國忌公盛名大節多云公不死遁去又云大清師圍揚州以降卒詐稱黃蜚兵至城下縋而詢之云蜚兵三千請留二千於外以千人入城兵守公信之敵在東門約以西門入及入焚殺大亂公自刎左右救之同總兵劉肇基縋城下潛伏小舟遁或云從四騎逃出北門没于亂軍夫豫王初入南都命立史相祠則公之死難敵國已稔知之而云未詳何其誣也至云以降卒詐稱黃蜚兵入城遂陷夫已縋城下詢

則不見黃蜚詐已立見又何能給也又云蜚請以千人入守二千人在外此則理所必無謬戾易見者強敵數萬壓境如山蜚兵能戰耶即三千亦未為多分千人以嬰城何為者蜚兵戰不足而守有餘即三千人入守未為多委二千人予敵又何為者此理勢所難通而云史相之見給又何誣也又云縋城舟遁又云逃没亂軍堂堂史相忠勳塞天壤義烈格鬼神而謂偷生苟免鼠竄殺身此適足以見奸人之醜正佞口之害忠操觚者耳食而從之以滋千古之疑以貽小人之口舌此豈正人

君子之言乎哉 千古之聲以銀心以文日古其益五入

兵部尚書張伯鯨字繩海揚州江都人丙辰進士同史可

法協守揚州城陷被執不屈身被數創自刎死妻張氏

媳郝氏從之何遜也人云鯨知存節人云此其軍堂

揚州知府任民育字澤嵐濟益人甲子舉人城陷死之

閣部監軍贊畫兵部職方司主事施鳳儀字誠菴嘉定人

丁丑進士城陷死之

兵部職方司主事何剛字慤人華亭人以舉人薦舉募兵

東陽從史相在揚州北兵猝至江上諸將盡西上兵單

禦疏請救不應可法曰吾惟一死報國耳慤曰朝廷寄

相公以鎖鑰一死大易敵國云何非所望於相公也可

法深謝之力竭城陷作書託步將寄其家赴井死隆武

贈尚寶卿謚忠愍監國贈光祿卿謚忠毅

江都縣監紀知縣支益字尚行嘉定人城陷死之

副總兵乙邦才城守屢却敵出戰死副總兵莊子願字憲

伯蘇州人戰死

總兵侯方巖字叔岱歸德人與北師戰走揚州追兵急從

揚子橋上自墮人馬俱斃

原任翰林院庶吉士監國贈原官謚文愍吳爾壘字吹伯
浙江崇德人癸未進士在北京受自成偽命遁歸河上
自斷其指從史相守揚州城陷死之

原任兵科給事中管理淮海藩鎮兵餉監軍僉事監國贈
太僕寺少卿謚襄愍黃國琦字五湖江西新昌人丁丑
進士效用賊庭賊遁潛歸入劉澤清軍中澤清括商船
為水營薦國琦為監軍從史相守揚州城陷自經死
彭孫貽曰爾壘以貴介少年應庶常妙選國琦以奏對
激切拔省垣乃一則傳賊偽詔奉琴絃綾帛入宮中一

則辭戶政而乞教職幾被縛于願君恩叛君而辱親人
惟予我賊遁潛歸或投跋扈之藩臣或因降賊之介弟
竄身幕府以脫誅夷托言智脫托言布衣從事誰欺
天乎然皆以一死蓋前愆君子猶予之不責其既往所
謂得正而斃者非

江北死事七臣表

開藩滁和提督各路援兵招討恢勦屯墾事務大帥靖南
侯進封靖國公贈淝水郡王謚忠烈贈和陽郡王謚武
烈黃得功字虎山開原衛人奮跡行伍少曾執鞭押驛

網遇盜拔刀相向得功無寸鐵手提車驟并擲之擊殺盜數人盜驚散走以是知名累功至守脩崇正四年同遣將吳襄等入閩解菜園斬李九成逐孔耿泛海走十一年與川將杜先春擊賊英霍間桐皖間賊每避二軍十五年九月同劉良佐擊袁時中于潁上大破之遁六安山中搜山擒斬千餘時中僅以身免左良玉自襄陽避闖順流下南京江上大震得功良佐將鐵騎三千衛孝陵良玉引却復從馬士英圍劉超于永城士英誘超出命得功急斬張獻策頭伏兵盡起叛者五千人俘超

磔闕下得功屢破賊、畏之每避牌子軍威名日盛所將五萬人皆敢戰寇逼京師上封天下鎮帥功高者吳三桂平西伯唐通定西伯左良玉宣南伯得功靖南伯北都陷鳳督士英檄得功良佐高傑劉澤清合兵推戴立福王以定策功進得功為侯傑良佐澤清俱封伯四鎮開藩得功轄滁和駐廬州廬巢無為十一州縣隸之經理光固一帶得功久立功傑起降盜焚掠半天下一旦與伍得功大不平之傑久屯揚州得功心薄盧提兵赴江上稱安插家口于瓜州傑整兵拒之太僕少卿萬

元吉貽得功書期以侈力王室得功亦自明無他欲聯
各鎮共討賊元吉以書示傑始罷兵馬士英惡左都御
史劉宗周言激切風劉澤清合四鎮上疏極詆宗周自
署草莽孤臣為不臣請上親征為動搖帝祚奪諸將封
為激變軍心請加宗周顯侈以草示高傑、驚曰我輩
武臣乃預中朝事乎得功奏辨不與聞士英止之不得
上 大清兵臨河上命良佐得功合兵屯壽鳳許定國
殺高傑、妻邢氏請卹典平鎮將士仍令邢氏及高九
爵統領得功良佐澤清合辭奏傑無功淫殺上天默除

大患今欲其子承襲臣等不能無言得功復因舊隙將
向揚州詔諭大臣當先國事後私憾得功若向揚州高
營將士棄信東顧強敵乘釁渡河罪將誰任諸藩當恪
守臣節不得任意復諭可法解諭得功各歸信地乃還
左良玉聲討君側舉兵向闕破九江安慶操江梁雲構
請召澤清得功入衛得功屯荻港進擊良玉兵身中二
矢捷聞進封得功靖國公遣太監王肇坤勞之予錦衣
世襲賞諸將金幣有差 清兵已破淮澤清良佐棄信
南奔請將兵入衛止之無及揚州隨陷 大清兵渡江

帝奉太后夜出通濟門百官無一人從者野次太平二
十里得功及阮大鍼朱大典方国安迎謁于野幸太平
閉城不納欲幸得功營得功泣曰陛下死守京城臣等
猶可作事奈何聽奸人之言輕出進退無據此陛下自
誤非臣負陛下也臣營寡薄何以處陛下乎明日次蕪
湖黃斌卿遁去登中軍翁之琪舟將幸浙劉良佐引
大清兵追帝及之且招得功得功怒不甲而出單騎馳
隔河揮鞭罵良佐良佐伏弩射得功中其喉創甚歎曰
我無能為矣歸營自刎死之琪赴水死副將田雄挾帝

以獻良佐將帝入南都北去田雄以獻主封二等侯鎮
浙十餘年得疾甚危稱得功扼其吭疾篤叩頭稱死罪
大聲發于寢室若萬馬馳驟而去雄遂死江上人數稱
靖國時示靈響云

彭孫貽曰先大夫在南都靖國帶甲渡江衛孝陵曾識
靖國身長八尺餘騎大馬三山下紫顛鬱々真天神也
四鎮及宣南而五或犯闕稱戈或擁兵焚掠為敵吠狗
以噬其君誠獸息而蟬冕乎靖國真男子矣

使北死事諸臣

經理河北聯絡關東兵部右侍郎兼都察院右僉都御史
左懋第號蘿石萊陽人辛未進士初以刑科給事中督
兵湖襄南都建入朝陞僉都御史視師江上朝議通好
北京會師西伐懋第以母喪在北因請奉使遂加懋第
兵部侍郎同陳洪範馬紹愉同使于北上召廷臣及懋
第等面諭之命尚書顧錫疇撰祭告園陵文祭告大行
皇帝后文吳三桂勅諭誥券黎玉田高起潛勅諭宣諭
北京人民詔及通好御書懋第奏臣銜以經理河北聯
絡關東為命夫河北則山東直北也關東則遼東矣久

為彼據北直則彼現居山東雖殺偽官徧地皆賊臣家
人至膠州被圍土賊十餘萬則不皆向化可知也經理
有封疆之責以封疆重寄之任而徃議金繒歲幣之事
名實相乖此銜之當議者也馬紹愉昔年赴遼講款為
彼所折奴顏婢膝彼送之貂參臺臣陸清源糾之其與
彼交情深淺臣誠不知但聞其私計金十萬兩銀二十
萬逢人頌彼臣不便與之同行也不聽八月次滄洲洪
範遣信先致吳三桂封冊三桂不啟封緘送攝政王九
月至德州大清撫方大猷示以攝政王令有來使不

必致敬語止許百人赴京朝見前至楊村土人曹遜金
鑣孫正疆謁見言報國之志因署為叅謀十月至張家
灣陳洪範遣贊畫王言賚刺送內院馮銓謝陞等俱却
不收聞以四夷館處使臣行屬國禮洪範無言參謀陳
用極謂此事所關甚大懋第爭之乃改鴻臚寺遣官騎
迎入十二月奉御書入正陽門宿鴻臚寺水火不通不
免飢寒十四日內院剛林至榜什十餘人佩刀直登寺
堂據上座指地毡命使臣坐懋第不從抗賓主禮乃坐
剛林責以朝見并責江南不應便立天子懋第抗辭聲

色俱厲剛林不能絀明日復至議如前終不屈乃持國
書金十萬兩以去懋第謂三桂不出萬金可無予林令
榜什攘奪之懋第遣用極以謁陵請不報乃陳太牢于
寺廳率將士哭三日二十三日遣數騎至趣行出永定
門防守甚嚴十一月朔至天津後運段幣悉收而北時
駱養性為津撫疑有私于洪範削職逮問四日至滄州
追執左懋第入都止太醫院邏禁甚嚴洪範紹愉南還
分從行者副將張友才楊逢春劉英留滄州懋第上書
攝政王不報洪承疇來謁懋第曰人邪其鬼邪承疇死

事松杏先帝賜祭九壇今日安得再生李建泰來謁懋
第曰受先帝寵餞降賊又降清何面目相見邪漢官投
謁者皆罵之後無敢謁者明年正月劉英金鑣曹遜走
訊踰垣夜入乃得見密疏令都司楊文泰赴金陵奏之
至則金陵已亡懋第聞之七日不食曹遜曰如何懋第
曰復何言閏六月十五日以江南平再下薙髮之令副
將艾大選首薙如令懋第五杖殺之十九日收刑部獄
懋第曰我自行我法殺我人與若何與可速殺我二十
日擁入內朝懋第麻衣素巾草履向上長揖南面坐庭
中攝政王數以偽立福王勾引土寇不投國書擅殺總
兵當庭抗禮五大罪懋第抗論不少屈請速死攝政王
問在廷漢臣云何吏部侍郎陳名夏曰為福王來不可
赦懋第曰若中先朝會元今何面目在此兵部侍郎金
之後曰先生何不知興廢懋第曰汝何不知羞耻今日
止有一死何多言攝政王揮出斬之僉都御史趙開心
將起有言同坐掣其裾而止懋第至宣武門外神色自
若南向再拜端坐受刑僧子涕泣而後行刑題絕命詞
峽坼巢封歸路杳片雲南下意如何寸丹冷魄消難盡

蕩作寒烟總不磨懋第既出開心始得啟王、將釋之
已報死矣參謀兵部主事陳用極遊擊王一斌劉統王
廷佐張良佐俱不薙髮五人從死風沙四起捲席棚于
雲際屋瓦皆飛一時罷市馬紹愉率將士悉薙髮降攝
政王命流懋第妻子于南陽堡
彭孫貽曰侍郎仗節北庭抗論不少屈至于降臣有訛
屠劓涕零豈非烈丈夫哉南中得此士與文山爭烈矣
論曰和議之不成也遣使非其人也夫通好大清大
机也會師復仇大義也使非其人焉則辱使有人焉以

非人叅之亦必敗富鄭公之使契丹也書辭與口傳并
必易國書以行今侍郎既已論列紹愉請止其同行當
事不聽也則未出國門已知正使之必不返矣夫謂洪
範之有戚于平西欲因平西結北朝不知平西不難改
事君以棄宗國又焉能因交戚而念舊君洪範遼人也
在廷多遼人南都不守洪範即從貝勒下兩浙謂洪範
之無私于北吾不信也紹愉有成言矣金十萬銀百二
十萬有定約矣謂紹愉之無私于北吾不信也侍郎抗
論北庭事成則二人得藉之以分功不成則二人不難

嗾而殺之以掩罪然則副使偕歸而正使見殺謂非二人之假手于此以殺之吾不信也夫使有私于北而使則衛律可杖之以致五單于宰嚭可倚之復請成于越也當國者何昧也二使皆以國情輸敵者也

江南列郡死事諸臣

提督閔遼登津淮海江鎮水師便宜行事掛征鹵將軍印鎮守京口總兵官鎮南伯贈鎮南侯謚武愍黃蜚字文麓南昌衛世職南都陷蜚走太湖三泖茗霽號召起義之衆三吳豪傑咸借聲勢羣盜俱自號黃兵與吳志葵

合兵戰春申浦兵敗被執至南京不屈見殺

鎮守江南後軍都督府同知贈威鹵伯謚桓愍吳志葵字昇嘉華亭人首先倡義與黃蜚合兵戰春申浦敗走豆腐濱見執至南京不屈見殺

鎮南藩標總兵官都督僉事何大海從黃蜚力戰春申浦兵敗不屈死之鎮南十二大帥兵三萬人或降或遁一日而盡惟大海戰死

鎮守江南標下游擊將軍趙從龍從吳志葵大戰春申浦不勝志葵被執從龍慟哭大呼太祖高皇帝之靈投浦

中死捕魚者得其尸顏色不變衣袖拱繡趙從龍字遂
焚瘞之漁者尚藏其衣

都指揮同知監國贈後軍都督府同知謚忠武魯之璵從
吳志葵起義以千人突入蘇州合陳墓義兵殺長州吳
縣二令焚官舍清兵四合不得出之璵手斬六騎力
竭自刎同時死戰有游擊韋武韜

中書舍人沈士炳吳江人起義陳墓兵敗自經同士炳
起義者長洲諸生戴之雋字務公為監紀推官吳聖兆
擒之留幕下後說聖兆反正事敗見殺

詹事府少詹事翰林院侍讀學士贈禮部左侍郎謚文節
監國贈尚書謚文靖徐沂字九一號勿齋長洲人戊辰
進士避北兵泛舟虎邱北師令縉紳入謁沂不往逼之
赴劍池死

舉人楊廷樞字維斗吳縣人天啓末魏璫矯詔逮周順昌
廷樞為諸生倡士民擊殺緹騎一人以是知名舉庚午
解元為海內名流宗主不薙髮遁元墓山中踰年有御
史盧傳按吳慕其名以書招赴公車廷樞謾罵不荅傳
怒嗾北帥跡得之赴官不屈殺之蘆區有絕命詞傳于

南昌知縣劉曙字公旦長洲人癸未進士吳聖兆起兵訪
吳中人望者列曙名北帥得其籍追曙詰之問同謀有
無曙曰實未識吳第所書姓名吳皆信以為忠畏死自
諱柰負吳何械至南京與顧咸正夏完淳同繫獄八十
日唱和甚多曙與咸正皆以辱罵當事見殺方曙被收
并及其妻有子三歲中途忽遇老嫗乞為子曰明公為
國何不為宗祀計乎遽抱子子亦歡然就之不知所之
蘇州府生員顧所受聞郡人執香迎北師儒服哭文廟投

泮池死

長洲生員文秉學士震益仲子隱居山中有告其與吳易
通者蘇松巡撫偽為吳易書投吳郡搢紳占其向背秉
欣然納之拘至官了不辨曰不敢辱君父願速死遂見
殺秉妻周氏周順昌女也懷夫首輿而歸啟輿已自
縊輿中

蘇州元妙觀前賣餅人聞迎北師夫婦自經死
督輔軍前贊畫兵部職方司主事監國拜督師兵部尚書
吳江伯吳易字日生吳江人癸未進士倡義太湖聚東

南鹽艘亡命數萬人出沒無鄉屢撓北師聲勢甚盛易
在湖中吳下名流奔走水寨日飲酒賦詩易亦時輕
舟就飲北師偵知伺其赴宴魏塘猝禽之斬于吳市
孫鉅嘉善諸生徐爾穀婦兄也坐匿易舍門被僇

吳江舉人孫兆奎字君昌佐吳易舉義事敗執送南都見
洪內院抗聲曰先帝時洪督師殉難特祠今何復有洪
承疇一人邪兩人邪承疇急命牽出斬之

吳江人史坤申舉義黎里後以他事被收營帥見其左腕
刺盡忠報國字因殺之

常熟生員徐懌字瞻淇家徐市聞縣城陷歎曰吾家世科
第竟無一義士耶薙髮令下別親族題壁曰不欲立名
垂後世但求靖節答先朝夜半自經

徐守質家南郭母病不能移兵至妹從母俱赴井死守質
曰吾不辱矣與北兵格鬥死

項志宣遁于鄉方食餅聞薙髮令餅墜地扼吭不食死
翰林院編修朱天麟字震青戊辰進士崑山人起義兵召
故令楊永言主縣事永言雲南人善騎射抗守多時始

陷

崑山指揮使陳宏勳戰死一門三十口無一生者

原任狼山副總兵王佐才與天麟起義為亂兵所殺一家屠慘無遺

舊將王公揚年七十從崑山義兵力戰死公揚字南陽

崑山舉人顧咸受任達不羈為兄咸正咸建所輕邑人舉

義敵至衝陣格鬥格

舉人周錫城陷自經死

貢生朱集璜字以發城破被執

大罵不屈死

生員陶琰字稚圭率三百人赴援中途

聞城陷自刎死

通政司左通政贈兵部左侍郎謚忠愍監國贈都察院左

都御史謚忠烈侯峒曾字廣成嘉定人丙辰進士北師

下吳門峒曾避居龍江祖墓讀宋史家鉉翁傳歎曰是

尚稱宋遺士乎蓋責其不死而教授也薙髮令下邑中

義師起共推峒曾為主命二子元演元潔治兵食迎黃

淳耀共事峒曾率子弟晝夜登陴百方禦敵十有五日

攻者死傷相積圍解復合者再殺北兵千餘斬一大將

李成棟益增兵力攻天大雨平地水數尺城東隅崩諸

軍一湧入峒曾歸拜家廟題詩于壁有我頭豈可斷我

節不可移語赴池中死成棟恨之斬其頭題曰元凶狗
子市縣並曾元女天大兩平也水燒入地東臨前詩
元演字畿道元潔字雲俱北兵至先入城焚敵舟舉義
旂迎父峒曾師黃淳耀主兵城陷將從父死峒曾曰從
父非孝也速行矣終不去兩人爭死演曰弟當奉父命
潔曰兄宜然良久乃相抱入水氣未絕北師至鈎出殺
之

踰年峒曾弟坐匿陳子龍收至官大罵死之二僕亦大
罵被殺峒曾妻及二子婦俱被執不得脫詭語二子婦
曰昔亂時藏金數千可掘取囊來為再生計行急悔無
及及監卒聞之起問金安在詭語以所藏處願以為贈他
卒聞之羣起而往無監者急携二子婦赴水死合門風

節自古所希
戶部進士黃淳耀字陶菴嘉定人癸未進士與峒曾共主
義兵城陷投僧寺題絕命詞于幅絹有既為明臣應為
明死凡數十言與弟淵耀相向縊死淵耀字偉恭
嘉定同時死節者舉人傅凝之死吳志葵軍中張錫眉自
經死署嘉興教諭舉人龔用圓投池死生員唐永齡夏

雲蛟俱自經城樓
金山衛都指揮使贈右軍都督同知謚武毅監國贈中軍
都督府右都督謚忠烈侯承祖堅守金山守大清志力
來攻矢礮傷者千餘騎城陷不屈罵而被殺子世祿被
囚怒罵裂背北兵縛而辱射之至死罵不絕
兵部右侍郎沈猶龍字雲升華亭人丙辰進士城陷勇士
拔之且戰且走被流矢中之卒
吏部考功同主事贈左春坊左庶子謚文忠贈太常寺卿
謚忠節復允夔字瑗公華亭人丁丑進士起義松江監

鎮南及吳志葵兵攻蘇州不克北兵破松江勒措紳出
見允夔書絕命詞有人孰無死不泯者心語赴松塘止
水死子完淳見後

中書舍人贈吏科給事中謚襄節監國贈尚寶司少卿謚
忠貞李待問字存我華亭人癸未進士守松江東門不
下北師從西門入被殺
福州府羅源縣知縣贈兵部職方司員外郎謚節愍監國
贈光祿寺少卿謚毅節章簡守松江南門陷自縊南禪
寺復見夢隆武加贈太僕寺少卿謚忠毅弟章曠字子

野丁丑進士馮陽知州屢抗賊鋒督師何騰蛟題軍前

監紀監湖南十鎮兵從永麻行間十鎮中劉承胤尤驚

悍不奉命憚曠不敢肆積勞憂憤卒于軍中

華亭教諭陸明永從吳志葵起義松江陷被執不屈死之

提督江南駐防松江總兵官吳聖兆奉清朝命鎮守松

江陳子龍陰令容說之反正結連舟山水師恢復東南

諸郡謀泄為諸將所禽解北京被誅

兵科給事中陳子龍字卧子號澹士青浦人丁丑進士為

紹興府推官片檄下許都東陽遂定以才望補兵科黨

人忌之引疾歸南都變後潛踪太湖三泖聯絡浙江義

徒圖恢復說北帥吳聖兆為舟山內應事泄亡命所至

破家相容納跡得之械送南都道出胥江乘間躍出舟

中投水死覓其尸端坐水中慘其尸是日為五月十三

日江南咸傳閔壯穆生辰酹神者競弔之

兵部職方司主事錢梅宇彥林浙江嘉善人癸酉舉人嘉

興義師起梅將所募自為一軍赴郡中未陷兵散遁跡

復與吳聖兆密謀上書閩中授太僕卿事泄與夏完淳

徐爾毅同死于南京妻徐氏自沉死

夏完淳字存古華亭人夏允彝子也總角操筆數千言年
 十七就婚錢梅女僅二月允彝死節完淳亡命江海
 上書闕中及舟山請卹闕中授兵部主事與聖兆謀被收
 搜得請卹父允彝疏草當事憐其幼欲生曰疏非孺子
 所能為完淳大聲曰忠孝何可以假人慷慨就慘絕筆
 詩人生孰無死貴得所耳父得為忠臣子得為孝子
 含笑歸太虛了我分內事神遊天地間可以無媿矣
 妻錢氏字秦篆及母皆削跡為比丘尼
 徐爾毅字似之嘉興諸生吏部尚書石麒麟子與吳聖兆

謀闕中授爾毅太僕寺少卿事泄至南京洪承疇等訊
 之曰汝父為忠臣汝定為孝子爾毅不辨坐慘色不動
 孫氏赴水死

舉人顧咸正字端木崑山人擢延安府同知陝西陷沒不
 赴官闕中授兵部郎坐與吳聖兆謀械至南京洪承疇
 問汝知史可法在乎不在乎咸正曰汝知洪承疇死乎
 不死乎因大罵之被極刑死同時死者凡四十七人
 咸正子天達字大鴻天遴字仲容皆有名諸生中先遇
 害同咸建咸受凡一門五節

廣信同知胡甲桂字秋卿崑山人城破被執不屈幽之別

所自經死

常州府諸生吳福之徐安遠從黃蜚太湖兵敗福之赴水

安遠被殺張文龍率鄉兵薄郡城戰死

武進生員董元哲不肯薙髮痛哭死

常州賣扇歐生聞迎北兵投西廟池中死一鄉民入城

賣薪聞安撫使至棄柴船躍入文城壩南龍游河死

五牧畜鵝鵠漁人薛老以薙髮自經死

揚州妓避兵居太湖嘗謂所知曰妾不幸辱身風塵名節

所不敢稱然為北兵所汙是獸處也死為快耳眾皆哂

之中秋夕風月清朗置酒召所知卜夜極歡臨流仰月

重理前說躍身入水眾驚惋挽救已無及

彭孫貽曰毘陵名教之邦若時敏輩亦錚錚有聲乃與

王孫蕙錢位坤之途一念濡思身毀名辱不若鬻簞負

薪捕漁縱鳥者流芬笠澤也孟子曰好名之人能讓千

乘之國苟非其人簞食豆羹見于邑夫米脂之一命其

輕于簞豆也無幾矣殺身成仁其重于讓千乘之國也

亦多矣乃士大夫舍其重者爭其輕者不亦大惑乎

吏部郎中華允誠字鳳超無錫人其進士清節素著絕
迹閉一室中三年不勝悶自祈死偶遇壻家有告其壻
不雜髮者并及允誠遂赴縣轉送幕府咸勸雜髮可免
曰苟雜不至今日甲申已宜死今死且晚望相活耶赴
南都被刑死從子某戴髮潛居聞允誠詣官曰我亦宜
死徃從之子婦自盡允誠死南都二僕一自經一一慟
而死

中書舍人盧象觀字幼哲宜興人癸未進士晉師象昇弟
起兵宜興山中兵敗戰死之

光祿寺少卿監軍叅議管廟灣餉司事沈廷揚字五梅崇
明人居海上崇正時建議海運授官南都命廷揚海運
十萬石餉吳三桂廷揚知三桂無心本朝請止其行不
聽南中不守走舟山監黃斌卿軍監國加太僕卿統舟
師應吳聖兆舟膠海虞之福山被執監司禮而勸之降
不屈同舟百餘人同時被殺吳市
中書舍人戚勳字伯平一字羽明江陰人以賞為郎家居
青陽義兵起携家入城協守城陷大書于壁戚勳死此
勳之子若妻若女與子之婦死此冠帶飲醜酒家人婦

子次第飲畢縱火焚其居
江陰二典史典史陳明遇浙人長厚吏舊典史閻應元
北通州人饒胆畧有幹才甲申海寇顧三麻直抵黃田
港應元率鄉兵拒之手射三人應弦斃賊引去以功加
都司銜陞廣東主簿道阻未得去郊居乙酉六月豫王
所委萬知縣至下薙髮令閻月朔諸生許用倡言明倫
堂頭可斷髮不可薙鄉兵四起執知縣囚之賓館應者
數萬人執大清守備陳端之下獄明遇發庫中火藥
器械衆推徽人邵康公嫻武事拜為帥康公益募兵舊

都司周瑞龍舟師往江口約康公出東門拒戰北兵舟
師自北門擊其後師出無功北兵益集鄉兵力戰每斬
一級立賞四金徽商程璧入城盡出所儲與明遇充餉
身往乞師于田仰吳志葵援師不至璧削髮為僧不返
北兵掠西城轉劫南閩康公禦之不克敵燒東門大掠
鄉兵死戰斬其騎兵一人周瑞龍放舟去明遇因請應
元為將鄉兵擁之入城敵四焚掠鄉兵遠竄無復外援
者北兵進攻城矢射城上如雨民擁鍋蓋陣矢石日得
矢三四百枝一人駕雲梯獨上城上長槍拒之以口

啣槍奮身上一童子力提之起旁一人斬其首尸墜城
下一勇者周身縛利刃以大釘挿城而上城上急椎斃
之死傷者衆敵益增營君山俯瞰城中大礮擊營移去
居人黃雲江善用弩火鏃發弩中人面目號呼立斃應
元製鐵槓多爪綿繩繫擲著人即鈞入城又製火毬火
筒陳端之子在獄製木銃類銀鞘城頭投下火發銃裂
鉄烏菱四起飛觸人立斃敵深畏之劉良佐統大清
兵設牛皮帳攻城東北衆縋石下投數百人皆斃良佐
策馬向城應元罵曰我典史卑官一死不惜汝受朝廷

封爵反導彼相攻是誠何心良佐慚而去明遇坐卧城
上與民共甘苦明遇悉心經理民亦矢無二一夕風雨
號滿城火不然神光四起敵人望見三緋衣人指揮
城上又見女將執旗而麾不敢進攻城中實無有也松
江既下貝勒合步騎十萬至江上縛吳志葵黃蜚于十
方菴命作書招降蜚曰我與城中無相識何書為志葵
至城下勸早降應元叱曰汝不能斬將奪旗為敵所縛
應速死何面目至此志葵泣謝之城下大礮日增彈應
如電城上多死傷死守益堅有飛礮去其首而立不仆

有胸背洞穿而不動死下亦死傷相積北將坐十方庵
城上發砲忽轉向營立斃八月望應元給錢與民賞月
携酒登城樓嘯歌許用作五更轉令善歌者高唱城下
亦有感涕者二十一日祥符寺後城崩敵從烟雨湧渡
遂入城民猶巷戰相殺男女投井皆滿孫郎中池及泮
池疊尸數層陳明遇合門投火死閻應元投水被執大
罵死訓導馮某金壇人自經明倫堂戚勳許用皆合門
自焚黃雲江故善彈絲城陷抱胡琴出城人莫知其孥
師也

朱一是曰江南倡義多糜潰無一抗壘惟江陰及金山
為堅江陰以顧某在也顧饒智力歷二十餘戰俱利敵
人憚之後度勢孤殺其妻子入海
江陰有梓工陳仲者劊劊名聞三吳赴義邑城陷舉
室自焚大小靡子遺事定鄰人埋其遺骨聞燼中竹器
下兒啼掘視之則仲一幼子尚生嗚呼天之不絕忠義
也故若此

黃毓祺字錫子江陰邑諸生工詩文精禪觀舉義敗走揚
州隱于鄉塾被禽禁江陰獄子往視毓祺見而驚連坐

呼為甥相視不敢哭賦詩曰地下君臣猶有性人間父子反無情又云莫道眼枯更無淚胸中下淚更縱橫後將見殺先期跌坐化去

兵部右侍郎都察院右僉都御史金聲宇正希湖廣嘉魚籍新安人戊辰進士翰林院庶吉士崇正己巳都城被圍聲上書言事改監軍御史監申甫車營兵戰芦溝橋全軍覆沒帝以聲忠憤請纓勿罪也時宰忌之外遷監司聲謝病居新安北京陷聲倡義團集保境以待勤王之師黔兵過境大淫掠聲指揮義兵統領汪爵拒之斬

首百餘俱而引去新安獲全馬士英怒以叛逆坐徽人舉朝爭之不為止南都不守事得已聲部署義兵據險自保北兵屢攻不能拔黃澍為內應遂陷被執至南都洪承疇惜其才欲降之大罵不屈見殺

徽州府推官溫璜字寶忠烏程人癸未進士徽州陷市三棺曰忠曰節曰烈命妻女就縊後自刎未殊北兵至欲生之傳以藥

兵部職方司主事許文炳字帥五蘇州人與黃澍善知澍有異志方進茗叱澍茗椀擲澍其面邀敵于浮梁被執

斬南都

游擊將軍程尚遇徽州人從金聲兵敗被執至南都洪承

疇曰是泯、無名者何須遠解至此尚遇大聲曰吾中

朝游擊將軍豈泯、者怡然就膠

徽州府生員江天乙字文石歙縣人佐金聲起義徽陷聲

散標將獨留績溪官署待死餘餉三百金贈天乙懷金

色喜辭去聲怪之比至中途天乙復至問其故曰天乙

已寔家可從師畢命矣抵南都洪承疇奉蟒玉于聲說

降之聲未及言天乙大呼曰千古人禽俄頃爾舌尚在

胡不罵之聲笑而共罵承疇陽、就刑如平時聲絕筆

詩九死靡他悲烈廟一師無濟負南陽江天乙和曰日

月胸中懷北闕旌旗海上望南陽

武舉程羽申字季上徽州人號程千斤為副將與弟姪俱

力戰死同時聲幕諸將死事者有陳有功余元宣萬會

吳國楨

宣城生員麻三衡起義宣城兵敗被殺

貴池生員吳應箕次尾其字也舉義敗遁酒肆跡得之被

殺

淮南節

貴州主員吳鳳龍水到其宅山奉差烟館既報稅銀之數

宣州主員蘇三濟既差宣烟米烟絲絲尚過大半日

吳國赫將軍並派

大舉野匪由守守土難防人難防千水為偏保與中

民困中窮出國致難救土望請

請人與無州悲烈而

請不罵之輩笑而共罵

淮南彭孫貽昇仁著

甲申以後亡臣表卷之三

淮南彭孫貽昇仁著

浙西死事諸臣

錢唐縣知縣贈太僕寺卿謚忠烈顧咸建字如心又字顯

石癸未進士南直崑山人員勅收浙潞王及巡撫張秉

貞等迎降咸建焚戶口賊役籍棄官歸里員勅檄蘇州

守帥生致之內院語之曰降則汝官抗不汝活大聲曰

盜望活耶不活吾骨香矣植立不屈折其膝脛終不跪

斬之頭懸城門暑月不变色蠅蚋不集杭之士民哭頭

下者萬數
行人陸培字鯤庭錢唐人庚辰進士北兵至拜母走黃寺
題詩二首有蕩陰徒有漙衣血烈帝孤臣傍十陵千官
椎結金魚麗萬壽青衣玉壘空諸句自經死人多傳誦
之兄圻弟埏皆有名諸生圻隱於醫今為僧埏隱於耕
海內高之
隆武贈吏科給事中謚節愍監國贈大理
寺右寺丞謚節毅

舉人王道焜字昭平杭州人官同知聞薙髮令下與所狎
高歌酣飲起更衣自經書室家人不疑也既覺已無及

矣

陳范梁字鳴皋杭之亡賴兒聚羣盜出沒臨平半山間時
以偏師撓北兵嘉湖兵巡道佟國器至杭范梁圍之塘
栖幾獲之國器手射盡矢百餘乃退熊汝霖累薦封平
湖伯北兵已渡錢唐范梁猶時出擾之卒為所擒斬之
彭孫貽曰寒山臨平故多盜鼎革之際草竊者競附先
朝名公行其剽擄以余所聞則有錢大凌嘈蘇東坡之
徒不一其人次第剪滅錢大至煩江浙會師逐捕之然
得之若弋黃雀范梁在當時號最强至冒五等之封俸

矣竊鈎者誅竊國者侯盜與侯亦何嘗之有余猶取之
以愧夫非盜而冒乎盜者此又范梁之所羞稱也

巡按河南監軍御史太僕少卿陳潛夫字退士杭州人以
乙科官御史錢唐不守走紹興監國加同少命監諸將
紹興陷潛夫與其妻孟氏皆冠帶及妾宋氏投小楮化
龍橋下死

興國州知州俞元良字仲驤海鹽人癸未進士為義兵主
北兵破海鹽全家被難元良死于双忠廟側
彭孫貽曰侍御初名朱明負才不肯下人西湖諸名流

切齒怒之聲檄共搢其短侍御避地遠游都下致身侍
從舉室殉節耳食者豈可皮相天下士哉

海鹽所千戶蔡國瑛統義兵與北師戰不勝投河死朱
大綱赴井死

海鹽所鎮撫潘定國與蔡朱同日死
海鹽舉人周宗彝字五重倡義硤石邑破或勸行遁勿聽

堅守如故北兵數千人攻之不支兵潰合門死之妻卜
氏妾朱氏紫衣并一子結袂相連投後河死 從弟啟
琦字偉光海鹽諸生從宗彝守硤石赴敵戰死 今之

硤石關廂防柵守禦甚嚴他盜及兵至硤石不敢犯皆宗彞遺制也

海寧生員陸韜字元聲以江東劄招集義徒被擒死之

臨安知縣唐自彩字西望四川達州人己卯舉人貝勒至杭郡縣望風納款臨安獨守不下兵至自彩坐堂上執之怒罵支解之并殺其妻子

嘉興府同知朱議瀉字雲峯江西南昌宗貢城陷自盡

南京吏部文選司郎中贈太僕寺卿謚忠愍監國贈太常寺卿謚忠貞錢棟字仲馭嘉善人丁丑進士大學士

升子十六歲成進士為南吏部南都既亡棟從義師下太湖遇北兵于震澤身被四創而死江南起義諸文臣棟獨以戰死

太子太保吏部尚書贈太傅謚忠懿監國贈太師謚忠襄徐石麒字虞求青浦人原名文治嘉興府學生少為諸生曾代魏國勳衛入武闈中解首事露亡命齊魯晉楚滇黔變名賣卜以糊口十七年行萬里屢經赦乃歸訪故業無存父與弟皆以牽累斃金陵獄夫人顧氏獨身村屋破屋篝燈紡木綿中夜叩門駭以為鬼物鄰里驚

起因復試再入泮連捷成進士為工部郎被璫禍下獄
謫戍逆奄敗起歷鄉寺為刑部尚書讞獄失上旨乞歸
南都起為總憲晉冢鄉公正不阿時相忌之乞歸南都
既失未中義師起推公為盟主公知必敗矢以身殉以
小事出城聞城垂陷肩輿復入城陷自經于家、人徐
錦祖敏殉焉屠城既畢北師令精嚴寺僧焚瘞暴骨入
徐氏第廁舍有婦人問公指黑衣而投繯者為公尸解
縊殮以木櫃出求廁舍婦人則一死婦尸也僧駭走
廕生朱大定文恪公少子少年好勇城陷走湖中為北師

跡得慘于市

監生張翊字叔韓禾城陷衣冠坐廳事北兵入被殺

嘉興生員張次柳城陷全家自盡

秀水布衣項嘉謨字向彤一字君萬城陷投天星湖死子
翼妾張氏從焉

嘉興生員錢應登字所介城破走郊外遊兵見其髮未薙
遂見殺

禮部主事譚貞良字元孩嘉興人北都陷潛遁南歸南都
陷歸里浙西送款遁江東官兵科給事中江東不守遁

閩携家顛沛死漳州
彭孫貽曰譚給事冥鴻見色而舉流離瘴海戴髮全歸
可謂得死所矣附死事者末

監生徐爾毅字似之嘉興人坐事被逮死白門

附記

翰林院檢討屠象美字玉繩平湖人先帝詔前朝中禁
必洊歷民社因考選推知中行評博首詞林次省院象美
喜設兵以行人考入翰院在京邸以殺婢曖昧事坐譴
歸乙酉薙髮令下人情惶駭象美挺身倡義殺秀水知

縣奉副將陳梧為主烏合數萬郡中不逞以睚眦妄相
攻殺數百人象美與陳梧議不合知義兵不可恃欲謝
事眾疑其觀望指為通北殺之座上

兵部職方司主事兼兵科給事中李毓新字喬之嘉興
人丁丑進士為潮州府推官為政嚴猛殺大盜亡算皆
撫以為能結驩鄭芝龍以水師五百人護其橐泛海達
乍浦馬士英薦其知兵授兵部旋兼兵科曾餉于浙南
都陷歸里既擁厚藏陰募丁壯自衛象美既死眾推為
主未幾有啖其懷二三者亂兵攻殺之掠其家其子走

適豐溪拔柵夜入豐溪人以為盜也焚其舟殺之親識
救之已不及

彭孫貽曰禾中七邑同日義兵起不期響應奉陳梧為
主協鎮周一誠遣海鹽兵五百人守禾嘉善平湖義兵
畢會海鹽兵焚其如塔之瞭望者北師疾戰義兵皆潰
城遂陷義兵烏合二十萬無部位號令殺秀水知縣胡
士行好事者屠鬻之以其心脅肺腸戴槍刃遊行城市
持挺揭竿識者知其無成也屠李二公里居多樹怨奸
人構蜚語攻殺之聚此萬衆不能一矢加敵爭殺首義

之人宜乎為北師所屠醢也

分守台金嚴副總兵康承爵字憶寰乍浦所千戶中武科

進士歷仕破海寇陳淮于螭洋斬獲有功告老歸義兵
起承爵披甲為諸軍先援平湖北師已破城率兵入城
巷戰死

彭孫貽曰海上衛所各官印篆百餘南北昂草無有為
國扞陬者惟康將軍一人垂老効忠喪元不悔諸世臣
多生存者其類有泚否乎

附記

原任杭嘉湖叅將丘上儀字維正武進人中武進士歷
官叅將廉不名一錢具文武才出汎大海風帆繫斷檣
簸蕩諸軍及船師無人能緣檣上上儀叱曰孰謂而曹
壯士者手挽索拍竿直上步帆葉如歷階至其顛續之
徐下觀者毛戴上儀神色不動一軍服其神勇大旱停
催科諸軍餉絕好義者捐金助餉已而外解至抵前缺
餉上儀反償助者金皆不受乃大治軍實造防牌弓弩
各百餘陞任去官適令以不謹望吏議吳中丞秋圃樹
碑縣西題曰天下第一清廉真正好官丘公去思碑以

愧之南北國變上儀隱居海上不復歸故里白衣冠者
數年二子俱令鋤地擔薪以自給風月清宵上儀獨上
紫雲山顛北望慟哭清貧僅足糊口好義者稍送薪米
非其人不受也大盜四起掠村落如洗上儀潛約村氓
各具耰鋤又擬以待賊買木結簾停港口上儀與力士
馮龍光儀一小舟伺之賊數百人連舟數十入其村上
儀急令居民斷木簾縱橫之拋板扉雜樹塞港口上儀
龍光棹小舟直入盜艚奮白棒鏗椎擊之紛墜水中死
傷數十百人兩岸大呼拋土石助擊之羣盜棄舟緣岸

扶傷走相尤日謂莫犯此、有二大虫徒自困耳自此
盜相戒不敢犯

上海知縣贈吏部考功司主事彭諱長宜孫字德符海鹽

人癸未進士海鹽衛世職不樂橐鞬起家科目公車十

上卒成進士為上海知縣清廉仁恕飲水亦必與錢上

海有東海聖人之稱訟獄衰息逋賦盡登貝勒下江南

棄官歸屏跡山村大清兵勦潞川過豐山被兵環洞

橋首被數刃喉垂斷弟孝起諱原廣孫子孫繩從子孫

振皆庠生以全髮同時被難餘息未絕家人昇歸舍療

治瘡漸合悲憤不食死上海之人聞之無不垂涕立祠
尸祝至今如一日

兵部職方司主事監軍御史湯芬字芳侯海鹽人癸未進

士初為山陽知縣調監紀推官監東平鎮軍旋授職方

史相軍前贊畫南中失守歸里、中義兵起里人王有

虔招集亡賴惡少年數百人往來太湖中聞邑中舉事

率其眾入城芬欲倚有虔眾自成一軍叅將周一誠已

通陳洪範收得鄭鴻達舟中所棄美女招梨園子弟為

親兵陰教之歌舞將充貝勒下陳不利有虔至啖義兵

攻殺有度芬微服遁浮海入閩中授監軍御史聯絡浙東至處州聞浙東兵殺陸清源不敢下會稽留龍泉縣貝勒渡錢唐入閩芬走漳州歿于亂兵子騏以喪歸

附記

王有度字衡之海鹽人幼納貨入太學名秉銓少孤惡詩書好狗馬拳捷與鹽梟居五為仇因養丁男自衛偷兒劇盜皆上客有度翹捷能踰垣越樓閣舞篙跳舩騰擲如猿以此諸士賴皆歸之目曰王三蛮有告有度招納士命圖不軌巡撫熊奮渭令捕官以兵圍之搜其軍

器刀仗紡而致之會城吏科曹履泰有度妹婿也力救事得已甥曹元芳登第勸就試武闈經營得雋元芳座師李向中以秀水令補職方元芳託有度于向中得補京營叅將御操不至草職別授江上游巡叅將南都陷有度走太湖蘇松巡撫霍達遁湖中以千金予有度令募水師有度歸里海昌孝廉陳之杰首朝貝勒授海鹽知縣有度執之杰至水北大陳旗鼓排衙坐堂反接之杰于堂下將斬之有度兄弟力救因釋之有度聞城中有助餉數千金周一誠截留白糧給兵餉因以象入城

思分有之道遇縣丞尹天民肩輿不避有虔怒之初貝
勒過禾勒各邑檄印知縣張岳懷印以行舟經尚胥洋
躍身入水家人援出之因棄官去天民繳印于郡暫令
攝縣事天民間有虔過朱上舍二酉家詣門請罪因庭
踞有虔倨坐責數之縣人大譁傳有虔縛縣丞刳白糶
義兵噪其門圍之有虔令家丁升屋射數人義兵聚益
衆縱火焚其居有虔急升屋西走遇永巷一躍丈餘過
跳身閔壯繆祠下庭中義兵蔽刃長槍刺之空手無寸
鏃挽巨缸破其底抵衆刃相持未敢前旁刺之中十餘

槍乃仆有虔既死之杰再蒞縣修前怨申兵巡道謂有
虔兄弟叛逆多藏火藥兵仗以兵鈔之有虔兄永澄與
鹽院陳君治結為兄弟在其標下永澄令一童子奔告于
君治君治怒言于制府張存仁謂永澄乃給假標官之
杰縣令鈔没人坐斬并誅温潘二將以其分取永澄家
子女也

彭孫貽曰乙酉義兵四起若周一誠王有虔各欲以鹽
為市自致其功名皆非能為地方死者而兩人者皆死
苟使丘公尚為帥張公岳在邑則海上必堅守將為江

陰金山屠醢之續矣周一誠陳之杰一則巧賣盧龍一則幸脫乳虎二人者自謂可以不死一則死國法一則屠僧手豈非天哉丘張二公能為地方死事者幸而丘公不將兵張公就死而終免二公願為地方死而皆不死豈非天哉

吏部主事董雲驥字紫冒海鹽人自為諸生落、難合北兵定浙雲驥渡海入閩中登闈榜授行人考選吏部數上書言事廷論大計忤鄭氏不願也御史金堡劉湘客言事將廷杖雲驥上書爭之隆武出亡延平奔扈不及

走桂林依同年桂林司理以居每念延平殂落悲號不已鬱、病卒司理以遺金買地葬山寺壬辰雲驥友查東莞筮仕得此邑夢雲驥角巾握手道故曰吾今得偕子同歸矣東莞以為偶夢之爾已而時、夢之不離于側始大怪之既至一孝廉上謁曰明府文章海南莫不熟習之至于明府為人敝友紫冒稔悉之矣驚曰先生何從識紫冒曰敝同榜也曰今安在曰已作古人矣昔與同入闈登賢書自大行考吏部延平出亡間闈入桂林依同年桂林司理日夜悲號病卒指一小童曰此僮

向以乞紫冒身侍殮葬乃歸也東莞飛書報其子一夕復夢之明日其子至曩桂林司理亦以他事至東莞捐俸遣力偕其子入粵西迎喪歸葬自是不復夢吏部之精爽東莞之友誼作千古矣

東莞名培繼壬辰進士今任刑科掌印給事中

附記

徐亥三海鹽五團圩人生亥而行三故名結納輕剽出沒太湖三泖中游徼者不敢捕士民咸奉薙髮令亥三抗不下軟血樹幟益聚鹽徒士賴出沒海濱守帥孟金勝患之潛勒兵五百人驍將王進將之掩擊亥皆重鎧

強弓亥三方屠牛與諸少年縱飲桑間王進突至諸少年皆走亥三披甲揮長刀搏戰殺三人傷五人王進前與鬪揮刀中進臂甲堅不得入進懼却走所部四面射之中二矢拔鏃戰益力復傷數人流矢中其項仆而被殺王進斷其頭曰咄、好男兒如亥三者二三其人吾屬且盡矣

韓萬象澈之屠家者隸戍籍行三韓三之名橫里中周一誠陰輸款義兵起一誠持兩端收斬諸盜陰除不附已者澈兵以無餉譁牙門一誠啖義兵追殺澈兵數十

人激人怒一誠一誠奉雍髮令令軍民雍而迎款營兵
義兵皆散去營兵走激與激人約啣枚夜至門者納外
兵一誠覺微服北走追者及之黃泥橋韓三手斬一誠
頭渡海獻監國賞功補右職丙戌正月韓三導江東兵
浮海夜至激殺海上戍者遂入城守將倉皇起韓三巷
戰殺數人海鹽守兵馳救激江東兵乃退韓三為殿手
提數頭戰且走追騎益衆馳東門橋斷口啣所提頭涸
而遇追騎及之死水中

彭孫貽曰海上忠義之邦嘉靖倭寇之難諸將死事者

徐行健而下亦既廟食千秋矣徐中丞殉萊崔副戎殉
鄂吳忠節殉國先大夫殉虔炳耀海內世所共知今若
康將軍垂老結纓先上洋全家蹈刃湯董二公流離殞
身死非一時死非一地其盡忠報國之誠則一也下此
而屠家販鹽之徒生為里黨死不齒而義氣所激斷脰
不悔所謂生為人豪死為鬼雄者非耶

巡按福建御史陸清源字嗣白號鷺青甲戌進士平湖人
與馬嘉楨倪長圩同起義兵平湖既下渡海入閩奉命
通使魯藩齎銀十六萬犒師江上馬士英為方國安兵

求餉清源惡士英不予士英遣其將奪金且縛清源去
加極刑監國大驚勅士英釋清源不聽北兵渡江諸軍
星散清源死士英軍中不知尸處
彭孫貽曰通好魯藩大計也方國安之兵日渡江搏戰
勞師不及失榮甚矣貴陽雖誤國黔兵萬里荷戈豈可
因貴陽而令戰士枵腹哉侍御之疾邪亦猶山陰總憲
之彈四鎮速其瓦裂耳

浙東監國死事七臣表

左都御史贈太保謚忠端監國贈太保吏部尚書謚忠文

劉宗周字彥臺山陰人辛丑進士先帝時屢以廷諍獲
罪然恒念之南都再造廷推復為總憲上書言激切時
相深怒之嗾藩鎮勲臣交詈之宗周諭病歸貝勒下浙
以人望徵之拒而不應絕食月餘乃卒其絕筆曰留此
旬日死少存匡濟意決此一朝死了我平生事慷慨與
從容何難亦何易又示其婿秦嗣瞻云信國不可為偷
生豈能久止水與疊山只爭死先後若云袁夏甫時地
皆非偶得正而斃矣庶幾全所受易箒猶呼熊兩殷不
止兩殷乃熊給事汝霖宗周期與共倡議也宗周隱居

山陰素講良知之學故臨難從容如此
山陰諸生王毓著字元趾乙酉五月聞變慷慨有致命詞
數百言自沉柳河橋下死著為劉宗周門生貽宗周書
有云願先生早自決毋為王炎午所弔 毓著門人潘
濤居海濱聞變衣冠徐步十餘里出海口躍入水潮流
迅急明日家人求其尸猶在故處

巡撫應天都察院右僉都御史贈吏部左侍郎謚忠顯監
國贈都察院右都御史謚忠敏祁彪佳字世培山陰人
壬戌進士乙酉六月與劉宗周同被徵置酒別親朋極

歡酒罷入所構寓園樓躍出投池中死

太子太傅戎政兵部尚書監國晉階太傅兵部尚書武英
殿大學士張國維字止菴號玉筍東陽人壬戌進士南
京不守國維招集義勇聞杭州擁戴潞王將渡江應之
潞王迎降貝勒設官至浙東鄭遵謙殺招撫使于江上
魯王在台州熊汝霖孫嘉績朱大典各起義一方共迎
魯王國維至台與陳函輝柯夏卿宋之普會大典汝霖
嘉績斬北使馮牙擁戴潞王監國移駕紹興國維首叅
馬士英誤國十大罪士英惧不敢入朝起大學士方逢

年入輔國維之普大典俱為大學士國維治師江上調
方國安守嚴州七月國維復富陽命姚志卓分水駐守
國維奏人治一軍不相統一監國賜上方劍便宜行事
封方國安荊國公張鵬翼永豐伯鄭遵謙義興伯王之
仁武宣伯命鵬翼守衢州以國維子世鳳為平鹵將軍
加御史陳潛夫太僕寺少卿監各藩鎮兵馬八月復於
潛十月清兵至江上國安嚴陳當之國維率王國斌
趙天祥以步兵策應清兵大敗走回城追戰草橋門
疾風驟雨火炮弓弩不得施乃旋師貝勒營木城沿江

拒守閩中詔使至文武將吏多欲應之監國下令返台
國維馳至紹興留王上疏閩中曰國當大變凡為高皇
帝子孫臣庶所當并力同心成功之後入閩者王監國
退居藩服禮誼昭然若以倫叙叔侄定分在今日原不
假易監國當人心奔潰之日鳩集為難一旦南邦正朔
鞭長不及猝然有變唇亡齒寒悔莫可追攀龍附鳳誰
不欲之此在他臣則可臣老臣也豈若朝秦暮楚之客
哉疏出衆議始定丙戌三月朔清兵驅船開堰入江
國維嚴勅各營守汛命王之仁江心逆戰東南風大起

之仁揚帆奮擊碎其舟亡算鄭遵謙撈得鐵甲八百餘
副國維督諸軍乘勢渡江會閩中命御史陸清源犒師
江上馬士英令方國安殺之且檄數唐王過國維曰禍
始此矣四月諸軍攻杭不克監國議分兵隨國維進討
以禮部尚書余煌兼兵部尚書督師江上貝勒益增兵
屯北岸江涸可試馬大砲擊南營碎國安營中厨國安
曰天奪我食矣念隆武曾手勅相招入閩必大用即不
支可退入滇黔五月拔營走紹興劫監國以行江上諸
軍皆潰鄭遵謙携貲入海惟王之仁一軍獨留國維欲

之仁分兵五千守各營之仁泣曰壞天下事者方荆國
也清兵數十萬倏然渡孤軍何以禦之之仁有舟可
入海公兵無船可速為計國維乃還師追侍監國六月
朔清兵渡江國維追監國至黃石岩方馬阮三家兵
斷所過橋下刻石有字云方馬至此大清兵往前
行國安決計降北欲獻監國以進身遣人守監國守者
忽病乃得脫北兵至王在舟中矣傳命國維遏防四邑國
維至台無舟望洋而止返東陽治兵清兵破義烏象
勸國維入山國維曰誤天下萬世者文山疊山也一死

而已大清兵至七里寺國維具衣冠南向再拜曰臣力竭矣賦詩三章其一曰艱難百戰戴吾君口口薛唐氣厲雲時去仍為朱氏鬼精靈長傍孝陵墳從容赴園池死

提督鳳廬池皖軍務總理糧儲兼督上江漕務巡撫應安兵部尚書都察院右副都御史監國晉階少師太子太師兵部尚書東閣大學士朱大典字未孩金華人丙辰進士大典久歷行間蒼頭廝兒多壯士習火攻家饒火器兵仗紹興既下退守金華大清兵進攻大典勒兵

大戰城下斬首數十級再戰斬獲益多先後萬餘級相持月餘大清兵知不可勝退屯紹興大典兵屢勝守稍懈清師覘之益增兵復至合圍孤城無援北師以

紅衣大礮擊城城崩遂陷大典揮兵巷戰殺傷復千餘力竭大典縱火自焚北兵謂自渡河以來惟揚州金華嬰城血戰耳因被傷者衆屠金華老少不遺管帥孟全勝擄得大典幼子養以為子全勝死于闔其妻還其子歸金華武進鄭邠為大典子師亦同大典死督師吏部尚書兼兵部尚書余煌字武匡紹興人乙丑狀

頭貝勒已渡江諸軍皆潰大張榜示開九門教士民出城避兵城既空自投渡東橋下死

太保武宣侯進封興國公鎮守浙江鎮倭將軍總理屯田事務總兵官王之仁字九如湖廣巴陵籍錦衣衛人熊汝霖倡義招之仁將兵赴西陵渡江日與大清兵戰屢勝之方国安倡諸軍先潰諸軍皆潰之仁泛海將之舟山大風不得渡載其妻妾并兩子婦幼女諸孫盡沈于蛟門家貨悉投海中捧封券勅印北面再拜投之水乘風達吳淞入松江冠帶登陸士民駭愕聚觀守將傳

送南都從容入見洪承疇自稱之仁前朝大帥不肯身泛波濤泯之以死願就死都市以明不二承疇禮之勸薙髮不從從容不撓之仁之赴南都也傳送者欲去其髮大怒曰全身報國髮此身物豈可去耶卒全髮而死朱一是曰王在江東有微力然縱兵奪餉其子鳴謙納張國柱大為民害江東糜潰王不得無罪其畢命激烈乃如此

彭孫貽曰吳國血戰大破強敵獲甲冑八百不可謂微功也諸軍潰而興國獨留不可謂非忠也軍飢奪餉此

則倡之自貴陽不可盡責興國也方國安渡江搏戰豈
無大功終焉劫質監國反復被誅即前功曷贖君子取
大節焉索癡烈士此則昌黎之所以著論于二忠深恨
訛者之不登也

太子太傅兵部尚書東閣大學士熊汝霖字雨殷餘姚人
辛未進士初官給事中崇正宏光時直言不合時宰乞
歸杭州迎疑與劉宗周約起義不成尋與孫嘉績起兵
餘姚迎立監國于台州勅兵渡江抵橋司里深入無援
退守西陵招方王諸軍進戰皆怯不前獨以孤軍撓敵

大小百戰身冒矢石敗則復進子弟親戚戰死者四百
餘人不悔也在行間寢處一艙板垢衣糲食招徠義徒
每涕泣長跪而遣之遠近望風感奮江東恃以為安危
方王兵潰孤軍不支泛海之舟山尋入閩鄭彩忌之全
家遇害

兵部尚書孫嘉績字碩膚餘姚人甲戌進士原任九江監
軍僉事左兵降北走歸浙倡義餘姚殺知縣王泣如與
熊汝霖合兵守江上北師渡江貝勒至江東謀與諸軍
北渡截其後諸將棄師遁走舟山憤恚卒

山西僉事鄭之尹字 乙丑進士紹興人北兵渡江沉
水死

義興伯鄭遵謙字履恭之尹子為郡諸生豪俠倡義旂殺
署縣郡張愨會稽知縣彭萬里移師西陵守江口迎魯
王監國封義興伯戰江上有功丙戌四月北師渡江其
父之尹死之遵謙移家從監國之舟山後入閩鄭彩殺
熊閣部遵謙為文祭之哭極哀彩并殺遵謙舉家十七
人

禮部侍郎王思任字季重山陰人乙未進士原任九江僉

事文采風流為江東名流宗主南都失守馬士英以黔
兵奉宏光母妃渡錢唐江東未知官車所在思任上書
太妃請斬士英又移書士英勸其自裁以謝天下人多

傳送其文紹興陷不食死

通政使吳從魯紹興陷不薙髮自盡 號金堂山東滋陽人
丙辰進士

兵部主事葉汝蘇紹興陷與妻王氏赴水死

兵部主事高岱臨山衛人由乙科授職絕食死 子高朗

臨山衛諸生衣冠投海死三日尸浮猶手持其冠

總兵方元科諸暨人方国安從子驍勇敢戰行三軍中呼

曰方三敵聞而畏之固安以兵渡江大戰六和塔總督
張存仁身在行間督戰元科奮勇血戰北兵不能當退
其師入城元科追之直至草橋門存仁將驍將為殿元科
直前砍存仁存仁策馬走斷其馬尾幾獲存仁累功封
伯後固安舉軍降北貝勒惡其反覆殺固安受元科勇
欲留麾下不屈同出見馬士英在座元科大聲曰彼
賣國者實教我反覆豈得活耶乃并殺士英一軍稱快
紹興總兵熊帥兵敗被執裸縛之見北帥厲聲曰勝敗死
生兵家之常何辱之有命斬之發其婦入營中婦曰我

命婦也不幸見辱一死為快遂同赴市謂行刑者曰先
殺我行刑者惡其不肯下營故以刀虐其私婦憤極唾
其面婦首纔斷行刑者即仆七竅流血死

山陰諸生朱瑋赴水死
布衣周卜年安昌里人投海死三日尸浮衣冠如故卜年
作五哥及弔王義士詩人多傳之

會稽章生妻金氏貌美而紫髯紫竹觀音紹興已陷金氏
與生舉義山中兵嚴整山中號金夫人營時勒兵出山
挫敵攻之不下北師甚患之偶捷其婢逸出告北師

指其間乘金氏不備破其營夫婦被執斬章生釋金氏
金氏爭曰本起義者我也生何與北師曰若爾且曷金
會氏曰事不成宜其爾怡然就刑且語夫無怖已謂金氏
蕭山諸生楊雪門自縊死
諸暨諸生方炯赴水死
中書舍人沈之泰字魯瞻餘姚人以明經授中書紹興陷
避山中通舟山約為內應事泄被收主者憐其才欲脫
之之泰曰死吾分也不願脫乃就刑
餘姚布衣孫悅起義山中戰敗自殺尸立不仆累日

吏部尚書錢肅樂字希聲鄞縣人丁丑進士起兵寧波合
熊鄭諸軍守江上後扈從監國入閩浮島病死

鄞縣貢生王家勤字白一與華夏同謀結客二千人約黃
斌卿為內應海舟既至二千人持竹槍赴海上舟去乃
散與夏同被執膠于杭州

鄞縣諸生華夏字吉甫戊子招黃斌卿為內應斌卿泊舟
寧波城下怯不登陸事遂泄夏死之

鄞縣諸生楊文理與王夏同謀生死并連其弟御史文瓚
瓚妻拊地飲夫血而殉之

靖南藩鎮監紀兵部職方司主事馮元颺字眉仙慈谿人
癸未進士棄妻子從監國幸舟山颺風墜水死

監軍御史馮京第字躋仲慈谿人以明經隆武擢侍御闕
陷入海依黃斌卿丁亥如日本乞師哭十日盡哀夷人
感動後與斌卿不合登岸出沒山谷中聚義北師掠其
家發滿營又三年被執斬之不屈死

督師兵部尚書張煌言字元著鄞縣人壬午舉人監國擢
監紀職方兩浙盡陷煌言護監國至舟山與弟嘉言各
擁衆數萬人據海島歷功陞今職恢復兩浙、撫繫其

母盜波府獄煌言與阮春雷屯長腰東蚶島丙申合張
名振阮生連兵嚮京口旌旗蔽金焦直薄江城滿兵閉
門不出煌言名振望祭孝陵命山僧大法寺三晝夜
薦思陵并海島將士陣亡者名振題詩大書寺壁江南
北千里震動總督郎廷佐不戰而走名振追之捨舟策
馬奔江盜名振奪其舟盡獲門皂隸書等每十餘里縛
一人提而擲之蘆葦間兩岸或南或北幾及采石順流
返京口漁者見之報向容儀真驛遞絡繹申送轅門廷
佐大慚人傳以為笑屯江干數日北師終不出市買擄

獲米菽數十萬石重載返浙東名振阮生相繼卒部下
阮美林因樑先後投誠登陸煌言勢孤己亥會師于閩
期鄭成功大舉入犯五月煌言合成功舟師數萬入蛟
關定海嬰城自保成功煌言直薄寧波城下田雄懼不
敢出戰成功榜諭奉永立命恢復沿海郡縣除田雄獻
主叛臣一家不赦外文武各官軍民人等有能縛獻田
雄及以一府一縣反正者論功立膺上賞雄大懼煌言
成功士卒兵騎等一路分鈔甬東五邑或離舟一二百
里無敢櫻其鋒者獲米百萬石平陽各邑俱空城走全

軍出蛟關分所獲歸島上六月煌言同成功大舉向江
口兵遇吳淞崇明寺將馬逢知通款期南都下立奉版
圖舟師至鎮江守將屢戰不利遂同士民迎款成功屯
一軍守京口全師直指江寧列營儀鳳神榮金川三門
一軍屯白兔斷援師煌言將舟師數萬直上安慶安慶
陰送款煌言屯巢湖江南北響應江浙湖廣江西望風
送款北方大震廷議親征成功敗于梁化鳳負創走京
口千里不留行列陳出京口亦無敢櫻其鋒者煌言歸
屯長腰東蚶外島成功病卒于台灣甲辰三月閩帥吳

萬福合林國樑為嚮導攻長腰東蚶島煌言與阮春雷
拒戰不勝闖師焚島上副將阮定江春被擒煌言嘉言
走回浙其衆漸散七煌言知鄭氏不足與有為念老母
長繫乃令其弟嘉言將殘衆叩蛟關歸歛獨身上普陀
將削髮為僧嘉言入閩部下皆薙髮投誠嘉言已自盡
舟中矣七月投誠故部下孫惟法等導清兵入普陀
偽為僧求得煌言于山中執之至杭州見總督趙廷臣
角巾葛袍長揖廷臣踞坐廷臣曰屢書相請因何不從
煌言曰所圖不成矢志為僧不願相見今既被執惟求

一死尚復何言廷臣曰既係謀臣朝廷必有重用若欲
為僧何不先繳勅印煌言不答就館不食病不死在杭
賦詩見志有滿江紅詞人多傳寫之九月腰斬煌言于
杭州市從容就義神采不變將士請收葬其尸廷臣不
許其子奇觀年十餘歲將軍劉之源收以為子亦奉旨
見殺母死獄中

兵部侍郎陳函輝字寒椒天台人甲戌進士為靖江知縣
以文章飾吏治與監國藩邸有舊拜翰林學士陞侍郎
紹興不守監國泛舟山函輝走台州北師至台函輝入

雲峯寺作絕命詞八首生為大明之人死為大明之鬼
笑指白雲深處蕭然一無所累子房始終為韓木叔生
死為魯赤松千古成名黃蘗寸心獨苦父母恩無可報
妻兒面不能親落日樵夫湖上應憐故國孤臣臣年五
十有七回頭萬事已畢徒慚赤手擎天惟見白虹貫日
去夏六月廿七虛度一年世法但嚴心內春秋莫問人
間花甲斬盡一生情種獨留心地靈光古衲共叅文佛
麻衣泣拜高皇手著遺文千卷尚存副在名山正學焚
香亦出所難心史難刪蕙業降生文人此去不留隻字

惟將子孝臣忠貽與世間同志又作自祭文一埋骨記
一從容笑語扃戶自終死

永豐伯張鵬翼守衢州三戰殺敵千人標將秦應科內應
城陷自刎死楚王晉平王樂安王皆被殺

曾學御史王景亮衢州陷被執不屈死之其門生七人
閩中死事七臣表

曾師江廣少保太子太保兵部尚書武英殿大學士黃道
周號石齋鎮海人壬戌進士以庶吉士歷官少詹侍讀
學士以疏救錢龍錫被謫去九年復職十一年復以廷

爭揚嗣昌奪情降江西按察使照磨巡撫解學龍薦之
帝怒并逮學龍道周至京廷杖之永戍烟瘴周延儒力
言于上自戕所召補原官乞歸南都廷推起補禮部尚
書祭南海便道歸里南都陷闕中擁立拜大學士力請
北伐忤鄭氏因請募兵江西以江西多其門生子弟也
拜督師閣部芝龍不予一緡隆武給空劄百張為行貨
道周以劄號召門下得百人住吉安與楊廷麟萬元吉
相應因往徽州規下南都張天祿已降大清誘至道
周執之以獻洪承疇至江寧道周絕粒不食積十四日

不死內院洪承疇操江陳錦以薙刀滿衣帽遺之不受
承疇使至道周願問洪內院何人也使者曰即貴鄉洪
尚書承疇也道周曰誤矣吾鄉洪公亨九死事松山特
恩祭墓祠廟碑文皆吾手筆彼何人斯敢與洪公同姓
名我願見之承疇卒不與相見諸司俱謁高射斗曾為
闕守道周迎問明公何時陷北作如此舉止而發顏
而退在獄賦詩三百首人多傳之承疇疏救道周清節
今罪在不赦江南人情無惜道周者伏乞赦其重罪待
以不死不聽殉節之日肩輿昇闕下躍而下車曰聖祖

故官也老臣當死此地更何之驅之不肯行西直門下
行刑者舉刀刀斷頭不殊再舉大呼曰道周今日得死
所矣乃拉折其頸有黑氣從項中出遂絕有四門生被
縛赴市過道周所遙呼曰先生姑待可同行也同日被
刑陰霾大風皆慷慨就慘南都人莫不隕涕遺尸莫敢
收承疇陰令上元縣收葬故吏施成字君才竊五人首
瘞儀鳳門外數里各表識之五年道周子至賂當事以
喪歸途次弔哭者接踵首貯小柩幪以紅錦弔者至啟
視首色如生鬚髮鬖々不落歲久不腐無尸穢氣隆武

贈太師吏部尚書謚忠烈

四門生者賴雍漳州人蔡繼謹漳州人鄭福州人茅

六合人又都司兼守備林伯麟徐經皆從道周出

師陣沒

兵科給事中黃大鵬字雲若建陽人庚辰進士以龍游知
縣隆武授兵科與巡按鄭為虹同守建寧北兵至士民
迎降大鵬被執不屈死之
巡按福建御史鄭為虹字天玉歙縣人癸未進士浦城知
縣拜御史駐建寧大清兵破金華潰掠至建寧為虹

與大鵬閉城發倉庫犒之一郡獲全北師至浦城百姓
迎款為虹不可再請行為虹又不聽大清兵至士民
擁見貝勒為虹不屈貝勒嘉之不忍殺勸薙髮為虹曰
負國不忠辱先不孝忠孝俱虧我生何用宜求速死髮
不可斷也明日復召見責輸餉為虹曰清白吏何處得
金百姓爭欲代輸贖其死為虹持不可噴血大罵貝勒
令斬之為虹大呼奮擲奪刀自刺胸不死遂見殺義僕
陳龍標下中軍游擊原任浦城千戶張萬明及子都司
張翹鳶殉之同見殺百姓為之立祠

後軍都督府都督同知洪祖烈守建寧城陷被執大罵見
殺與大鵬為虹並祠

禮部尚書曹學佺字能始侯官人乙未進士隆武好書設
蘭臺史館學佺領之捐家貲募兵倡義清兵至福州
投水死

侯官生員齊巽同學佺起義被執不屈死磔市
通政使馬思理大清兵至福州自縊死
吏部主事林塗字子野閩縣人癸未進士為海寧知縣清
廉絕俗杭州送款同妻子跨蹇驢千里赴閩監國召為

行人與都督陳謙奉使至閩啟函稱皇叔不稱陛下隆
武怒殺謙以望為吏部憂鄭氏異心請別圖戰守練禁
兵不成而閩陷遁海濱起義戰沒于福清

福州衛指揮使吳上珍清兵陷福州書几作盡忠報國
字如斗大仰藥死其妾從之死

總督漕運右副都御史路振飛字見白曲州人

閩自縊于邵武山寺

福州生員林生起義被執殺隆武行在前南嚮背帝林生
怒扼首朝之死血灑地人爭啜之曰林夫子血母使汙

于土

福州布衣趙恂工詩畫北師至自縊死

大學士蔣德璟號八公晉江人壬戌進士 大清入泉州

絕食死

戶部主事郭符申字介庵晉江人癸未進士起義兵敗走
永春被執不屈死

刑部主事葉翼雲字敬甫同安人庚辰進士起兵同安

清兵圍之數月城陷合門死屠同安

兵部侍郎黃中瑞莆田人北兵陷城死之

兵科給事中劉中藻字薦叔福寧州人庚辰進士以行人
持授兵科起兵復福寧州守年餘再陷死之

漳州生員曾慶倡義平和授兵部右侍郎城被同兄居曹
死之

漳州顏榮起義為總兵戰死海上况忠為撫標旗鼓先榮
戰死

江西死事七臣表

太子太傅東閣大學士禮部尚書姜曰廣字居之南昌人
己未進士金聲桓起兵奉曰廣為盟主諸司除授一聽于

曰廣譚太破南昌曰廣舉室死之

文淵閣大學士禮部尚書傅冠寄庵其號也南昌人壬戌
進士南昌陷自盡私第

彭孫貽曰傳學士之死載于夏存古土室餘編貽游江
右言姜學士死事者甚眾家已被籍傳則未聞焉其在

南昌初下聲桓之日乎

光祿寺少卿劉斯棟字大容南昌人丙辰進士居紫溪合
門衣冠戴罪髮元旦冠帶祭先祠每書永立正朔于祠
堂為仇家所告譚太以兵收之父子四人俱被殺巡撫

朱延慶欲生之譚太不可延慶乞其數歲兒曰是兒頗
韶秀乞以為小奚太子之延慶密以此子還劉氏曰以
存一綫也

兵部尚書熊明遇號壇石進賢人辛丑進士金聲垣導北
師據南昌明遇與日廣將拒之曠昭不可明遇遁山寺
削髮為僧卒子人霖字伯甘丁丑進士為兵部郎入山
中死

彭孫貽曰人皆傳司馬死金王之亂不知削跡緇流以
終也司馬一代正人得正以沒賢矣

兵部武選司員外郎胡琦字思蓼進賢人丁丑進士起義
南昌城陷死之

進賢舉人舒忠讜字魯直北兵至走山中後遊大同姜瓖
之變同死

兵科給事中胡夢泰號友蠡鉛山人丁丑進士浙東起義
以兵應之隆武拜兵科監河東軍闖越次第潰携家間
關達行在留妻山中獨走延平從駕北兵入延平仰藥
死妻李氏別時分藥各半期相殉聞訃如約仰藥死夢
泰棺題明死節胡公柩置郊外北兵疑中有物孔而窺

之無有投棺于海逆流上數百里達侯官居人異之謂
公視魄不泯相與拯之厝靈通寺

儲賢館待詔劉日杲廣信永豐人已卯舉人閩中特授此

官給假回至甌窻聞延平之難自經甌窻明倫堂

總督陝西三邊軍務兵部右侍郎都察院右副都御史余

應桂字二矼都昌人已未進士起兵都昌兵敗城陷自

焚鬚髮皆焦不死投井又不溺父子被執不屈死之

總督江楚兵部右侍郎都察院右僉都御史袁繼咸字臨

侯宜春人乙丑進士左良玉東下繼咸請釋太子以止

良玉不聽北兵渡江南都陷左夢庚降于大清北兵

至九江自經死

建昌知府加副使王域字兩瞻華亭人辛酉舉人建昌陷

書遺命寄其僕曰近則南昌遠則九江我死所也我死

爾急歸冠服坐堂上北兵執赴軍中大罵不食至九江

日出江西境矣遂赴水死

光祿寺署丞曾亨應字鳳山臨川人甲戌進士吏部被執

量移南都陷歸里同父都察院僉都御史棟起兵撫州

兵敗被殺

東閣大學士禮部尚書劉同升字晉卿吉水人丁丑狀元
以救黃道周被謫南都起升中允闔中召拜閣部起義

吉安卒于行間吉安陷後家被鈔沒

吉安府推官王鉉字崑柱四川營山人舉人吉安陷被殺
督師兵部尚書東閣大學士楊廷麟字机部清江人辛未
進士以詞臣言事補軍前贊畫南都起用侍讀學士江
上失守金聲桓擁兵據南昌曠昭西走諸郡望風下檄
至臨江廷麟將入匡廬郡諸擁而問曰公何處去曰廷
麟將披髮入山從晉處士耳諸生陶公晉小臣不為五

斗米折腰公大臣也即事不可為宜以文丞相自處豈
得問庐山白社之踪哉廷麟曰念無與共功者廷麟豈
敢愛其死遂起義兵與蕭光祿士瑋楊御史仁愿及先
太僕會泰和深相結北兵至臨江曠昭退屯吉安廷麟
至吉安曠昭聞警退屯萬安廷麟駐兵泰和已而次萬
安副將白之裔劫曠昭降聲桓九月黔吉滇廣諸軍大
勝北師于吉安捷書入闔拜廷麟督師閣部度督萬元
吉以兵復吉安丙戌三月聲桓復陷吉安白之裔導北
兵屠萬安四月圍贛州廷麟元吉與姚奇胤郭維經及

先太僕分城守廷麟守南門戰守半載殺傷攻者數千
閩陷虔援絕將士守不力遂陷廷麟赴水死副將徐日
彩降北密瘞其尸言入國其天赫曾祖國將吏皆進元
總督南贛汀韶惠潮彬桂軍務恢勦兵部尚書都察院左
副都御史萬言字吉人乙丑進士永州府推官應行取
楊嗣昌奏薦改大理評事軍前贊畫監秦楚川兵剿闖
曹猷七股大寇于兩州改斬馘累萬遇閩諸寇先後乞
降猷曹二寇窮蹙遁興歸嗣昌卒于軍中元吉監秦楚
諸軍扼荆門大道北都亡沒史相督師淮揚元吉以太

僕寺少卿監紀四鎮兵馬調劑揚州兵民靖南興平治
兵相攻元吉說靖南共獎王室聯絡興平因各罷兵改
提督京營庫藏少卿南都江右次第陷閩中以元吉為
虔督躬下吉安進討一以虔中居守責成先太僕十月
復吉安累戰大捷丙戌三月北師大集復陷吉安元吉
以諸軍退屯萬安北軍襲破萬安元吉退守虔中四月
北師逼虔元吉令諸軍劫北營勝之北師進攻矢礮射
敵死傷者衆知虔難驟拔以輕兵綴虔分兵陷諸縣所
至屠夷丙戌九月閩不守十月虔陷元吉赴江水死水

師救之上南雄道卒
監軍御史姚奇肩字有僕仁和人庚辰進士奉隆武命勞
師虔中延平既殂與先太僕分守章貢臺龜角尾太僕
招奇肩隻雞夜飲誓共死殉是夕城陷奇肩被殺于城
頭

太僕卿仍守嶺北道江西左布政使彭

諱期生係孫貽先考字觀民

海鹽人丙辰進士由工部陞南昌知府丁憂起補濟南
獄變被謫量移南京兵部職方司員外郎獻賊破湖西
左都御史李邦華言于吏部曰非故豫章守彭公不能

救湖西乃補分守湖西道僉事聞北都大行喪諸縣伏
哭盡哀單車西行取黃穀為巾朱絲繩繫劍曰二物乃
吾所以報國而殉身者衆失色太僕曰時事不可為夫
人而知之世受國恩臨難苟免所不忍為此行乃吾致
命遂志之日也抵吉安閱實軍伍擊斬虜陵亂民湖西
大定金聲桓襲據南昌以降大清巡撫曠昭走臨江
太僕首倡義兵于吉安草檄討聲桓聲桓逼吉安曠昭
先遁軍民從之太僕聞寇至紅袍坐堂上題盡命歌于
座右城空寇不至乃往虔中乞師臣吉安人已迎降

聲桓太僕駐兵太和蕭士瑋楊仁愿語太僕曰知公忠
義然事不可為願具道里費送公還故鄉太僕曰事尚
可為昔之不死于吉者一死不足塞責也諸公其勉之
同舟二客勸東歸不荅惟吟宋人句不聽爾言方至此
須知吾道固當然二客不敢復言虔督李永茂檄太僕
守吳國閩中擁立改光祿少卿江西左布政使仍守嶺
北道單車入賊巢降雩都山寇羅容等萬元吉代為虔
督諸軍復吉安論功進太僕卿萬元吉檄太僕居守虔
北師再陷吉安元吉退屯贛州北兵逼虔二客勸東歸

公拔劍曰吾恨無死所今當與城存亡若俱死無益為
我歸報婦子謹守墳墓無相念作書與家人訣遣客間
道歸虔圍合太僕與元吉申號令繕禦備須臾而具太
僕登章貢臺曰斯臺為城最衝我當守之臺高出城上
坐卧當矢石蒼頭登陴督戰烏槍踏于側太僕不少遁
堅守三月閩中論戰守功進太僕官三級覃恩廕子入
監封三代貝勒入閩虔援絕守備周雲請守興國為後
圖太僕曰受命守土當與城存亡幸茲城未淪真城猶
獲一死所盍問他圖乎十月守將陰通款北師夜登守

者潰太僕馳救之外兵畢登馳還臺滇粵兵招太僕俱
去太僕曰此吾死所將焉往取手書絕命詞五紙分守
五蒼頭出蠅頭表一通授蒼頭馮吉曰若為我上行在
五人未必皆生還有一人者歸詩即訃音矣諸人環泣
不行太僕曰吾為人臣義也死即死耳毋為所辱諸人
泣不行太僕容止自若給諸分行偵敵皆下徐起自經
降將行城識太僕命解縊排牆覆之十二月故人杜鳳
發瘞臺被焚俱燼惟心如石不燬殮以石函瘞臺上墜
鐘識之又四年其子至虔訪得鳳與俱至虔求所藏不

得招魂東返又十八年萬安人曾堯景負骨走浙西言
僕部下將楊大器潛移遺骨藏于百家村僧院南昌兵
起大器仗劍出門不知所往行時以太僕遺為託恐一
旦死終無人識公所藏魄者間聞負骸至人皆謂太僕
能知人得士死如此也

贛州同知王明汲字存希金壇人乙卯舉人虔圍既逼其
子勸明汲東歸明汲曰彭公吾所信重汝曹往見之二
子俱見申前意太僕正色曰腥羶滿地恨不獲死所見
危授命死且不朽尊府君已在百尺樓上豈可勸之墜

糞壤中乎吾志決矣指壁間所書素夷狄行乎夷狄素
患難行乎患難二子歸以告明汲曰彭公命我矣先遣
二子歸城陷自盡

萬安知縣梁于涘字飲光江都人癸未進士南昌既陷副
將白之裔兵三千征山寇閻王總屯萬安強買市物民
間怨之之裔入城索餉于涘諷居民閉城圍噪之裔外
兵譁而城之裔子呼于門城不開兵踰城入楊閣部廷
麟及先太僕兵屯城下飛檄開城出之裔門開之裔子
單騎突入鳴礮在門人馬立斃于門中之裔怒勒兵攻

城大礮擊門、倒兵一湧入有壯士一手持門拒之兵
惧引却下屯十五里金聲桓遣副將劉一鵬以兵至萬
安之裔劫贖昭合于一鵬初于涘募得勇士五十人皆
翹捷當百白之裔導北兵攻萬安紳士拒守于涘將勇
士數擊敵累戰殺傷北數百人城兵無一傷北師大集
于涘先將家口去邑紳相繼走之裔乘虛入城勇士數
十人巷戰相持之裔兵不能進已而士民皆走城空勇
士結隊南行之裔不敢逼于涘家口寄焦源洞之裔破
萬安收拷吏胥得于涘家口備極慘辱皆殺之焚公私

廬舍無遺于涖走贛州元吉署為監紀守勇金門將勇
士為前鋒大勝北兵遂題于涖監軍道贛州陷不知所
終或云死于亂軍
彭孫貽曰世傳梁今死于萬安所傳皆同貽行江右知于
涖於萬安被屠後監軍贛州前傳之謬可知虔陷死事
者表、無遺而于涖無定踪附此存疑可也

鄉紳通判羅

贛州人捐家貲政府治為行宮迎隆武
駕闔陷不果虔城陷紅袍全家赴水死府治被焚今知
府不敢居尚名曰皇城

鄧岳壽江西解元起義不克死

丁卯舉人黎遂球字美周番禺人死贛州之難

彭孫貽曰江右士大夫遁跡山中或擁兵不下者曾公
櫻在峽江郭公維經李公陳玉程公殉揭公重熙萬公
翺皆在吉水永豐龍泉山中其家皆籍矣
湖廣死事諸臣

總督川湖雲貴廣西軍務兼理糧餉恢勦荆岳偏沅等處
兵部右侍郎都察院右僉都御史晉加太子太保督師
兵部尚書武英殿大學士贈中湘王何騰蛟字雲從貴

州黎平人辛酉舉人備兵淮徐禽斬土寇屢破流寇巡撫湖廣陞總督收降一隻度總十一鎮藩兵大戰衡湘復長沙桂林封拜督師閩部兵威甚盛三王會師下長沙退屯湘潭北兵入湘潭騰蛟拒戰兵敗被執不屈死之事聞永立為壇桂林親祭之泣下沾衣三軍感動

附記

鄖陽總兵王光恩為流寇號閩索降于楊嗣昌守鄖陽四年闖曹攻之多被殺傷自成甚忿之誓必拔終不能得志徐起元以鄖歸豫王即以光恩為鄖總鎮光恩鬱鬱不得志聞姜瓖反大同亦起兵屠鄖走承天為豫王所殺

彭孫貽曰三楚多奇士獻闖破荆襄而楚士皆為之用死難者寥々至于鼎革之際遂無一人殉國者南風之不競乃若此

兩廣死事七臣表

太子太保禮部尚書東閣大學士陳子壯號秋濤南海人已未進士紹武建號拒粵西子壯上書永立請先斬蘇觀生則紹武無能為也永立命兵部右侍郎林佳鼎東

征東帥詐降誘執佳鼎赴水死李成棟以清兵入廣州禽紹武并蘇觀生斬之粵東降北子壯復起義兵北兵攻殺之全家遇害

庶吉士張家玉字元子南海人癸未進士官庶常北京陷家玉上書不稱臣闖賊縛暴日中尋釋之歸廣與陳子壯同起義兵被執死之

太常寺少卿霍子衡南海人起兵敗令其妻兩子兩婦兩孫一孫婦並死後園池中乃自赴水家無遺口

附記

大學士蘇觀生東莞人隆武潛邸有舊召拜大學士赴度督師度圍急聞延平出亡聲言迎駕走回粵東與大學士何吾駒布政使顧元鏡擁立隆武弟唐王聿錫監國改元紹武以都司署為行官永立遣兵科給事中彭耀往諭之耀粵東人為秦令有能聲至粵曉譬倫序監國先後國家仇讐利害觀生等令斬耀于市勒兵向肇慶永立命兵部侍郎林佳鼎督兵下廣東、將詐降誘殺佳鼎永立更命王化澄為粵督兩粵日治兵相攻十二月李成棟將北兵趨廣州前鋒數十人紅布裹首偽

為廣兵至城下奪門入副將杜永和擒紹武及諸王蘇
觀生皆斬之或言其家富北師佟養甲曰吾嘗使人偵
其母八旬老兵僅賜金五十在笥耳竟不問
彭孫貽曰唐邸之建號也非宜立者也倚鄭氏之強也
桂邸方播在粵西貝勒已觀兵吳會魯監國之拒江也
以禦敵也不稱尊不建號則無利天下之心也隆武已
即尊矣稱皇叔而不臣浙閩所以水火也陳謙奉使也
閩則殺之馬士英之囚執閩使也監國大驚而諭釋之
賢哉監國雖閩墻而猶禦侮也粵西已有君矣桂邸宜

立而今立矣紹武監國何為者不稱而建號又何也粵
西之使殺之又何名也更始已入長安盆子又復建號
吾騶觀生輩不如新市下江諸盜已多矣閩浙雖不合
而不相攻兩粵日阻兵焉苟同心以拒成棟則粵東可
守何至藁街瞬息哉於誘佳鼎也則巧於拒成棟也則
疎徒為北蚌鷓耳君子所以擇所處也死貴得其所也
鎮守徐州河南河北兼管漕運掛鎮徐將軍印中軍左
都督贈宣夏王李成棟字隆吉榆林人鎮徐州降豫王
攻破松江陰為松江總鎮調征兩廣破廣州紹武

并周王益王皆斬之成棟下廣收印信五十餘顆獨取
總督印藏之有妾松江妓也揣知其意朝夕慙患成
棟撫几曰憐此雲間眷屬耳妾曰妾敢獨富貴乎先死
君前以成君子之志遂自刎成棟抱尸大哭明日即冠
帶自稱兩廣總督以前印具疏粵西迎駕聲桓亦起兵
南昌相應成棟修行官于廣州迎駕永立命尚書劉遠
生詣廣勞師遠生謂成棟曰駕駐此爵賞征伐疑有私
不可不遠嫌成棟乃罷修行官將兵度嶺攻贛州師次
南安南安迎款遂至贛州已被圍踰月聞譚太兵至聲

桓退師甫一日成棟亦還兵歸廣

清兵拔南昌遂渡

嶺成棟迎戰信豐兵敗赴水死

彭孫貽曰成棟守徐豫王在山東棄地南奔遠稽首北
嚮為清驅除不遺餘力一入兩廣遂欲據之自稱尉
陀豈忠於明者哉此與聲桓同傳可也

總督兩廣軍務兵部尚書武英殿大學士丁魁楚字允三
河南永城人丙辰進士兩廣盡失魁楚在岑溪屯兵千
餘清師招之不肯下水陸設伏大戰藤江魁楚死戰
兵寡不支中流矢死

太子太師吏部尚書督師節制各路軍務留守桂林兵部尚書臨桂伯瞿式耜字稼軒南直常熟人丙辰進士廣西巡撫定策立桂郎進吏部侍郎東閣大學士時內監王坤與聞朝政式耜力爭司禮不得進退人給事中劉燾劾坤永立怒叱逐燾復欲廷杖御史童琳式耜力救得免從幸桂林李成棟盡收粵東王坤趣駕幸楚式耜力止不聽乃請身守桂林因命留守節制各路三月清師薄桂林突入文昌門式耜策厲焦璉控弦提刃力戰卻之劉承胤劫永立走武岡式耜請移蹕全州以繫西

粵之望承胤以兵至桂挾餉不出兵式耜搜括庫藏捐囊萬金夫人邵氏亦捐簪珥數百金大掠于市而去五月積雨城壞清師偵有內變攻桂林焦璉久將桂得士心式耜禮遇之璉感而自奮負創起戰奮勇轉鬪至午不及餐式耜蒸飯分餉之士卒用命明日復戰清兵乃引去以功晉太子太師臨桂伯璉不拜請返蹕全州不聽乃督焦璉邦傳等恢復樂平潯梧八月疏奏粵西全定請還桂林不聽武岡州陷永立入柳州土司譚裕春子鳴珂與道臣龍文明構兵永立次象州督師何

騰蛟南安侯郝永忠宜章伯盧昂俱至桂林式耜騰蛟
集永忠璉誓師盧昂與滇鎮總兵趙印選分屯全州諸
帥連營而軍清兵乃返楚十一月永立還桂林式耜
與嚴起恒並相騰蛟出全州焦璉下平樂郝永忠被襲
于興安疾走桂林禁近周章趨移驛式耜請駐驛以厲
三軍不聽夜半駕行潰兵肆掠式耜登舟住樟木港飛
檄援師焦璉兵先至楚鎮周金湯熊兆佐隨至式耜復
入桂督師騰蛟自永宣至滇鎮胡一青自平樂至清
兵聞桂林空城走直抵北門三月騰蛟督兵三道出戰

清兵渡甘棠港去永立詔旌式耜賜金幣及精忠貫日
金圖書一式耜督諸鎮取全州聞李成棟將反正趣巡
撫魯可藻下梧州繕兵以待永立駐南宣四月騰蛟復
全州六月李成棟金聲桓同時反正上疏迎駕兩粵全
復式耜請駕返桂林不聽由梧州駐蹕肇慶李成棟疏
式耜擁戴元臣毋庸久勞于外應亟召還綸扉永立遣
官三四趣召具疏乞骸不允己丑七月清兵破湘潭
殺何騰蛟金聲桓李成棟相繼屠滅復命式耜留守督
師節制江楚各鎮兵馬永州兵敗式耜請以兵科給事

中吳其雷監各鎮兵再出式耜每慨人才凋零殆盡凡
跼足而至者非懷忠抱義之人亦乱世取功名之士不
用之于正則用之于邪安可驅為他人用是以一才一
藝之士靡不收羅幕府人咸以桂林為稷下時堵肩錫
以楚收連肇慶滇管自永全還桂忠貞營獨自楚轉戰
至梧孔有德以書招式耜不荅永州失利吳寧侯胡一
青還榕江式耜復治糧械趣之還屯全州庚寅南雄不
守寶豐伯羅成耀棄韶州永立震恐戒舟西上式耜疏
爭曰粵東水多于山雖良驥不能野合自成棟歸順始

有寧宇財賦廿倍于粵西衣甲糧餉內可自強外可備
敵難得而易失莫此云急且肇去韶數百里强弩乘城
堅營固守亦可待勤王兵四至何乃朝聞倣而夕登舟
疏再上永立移德獲抵梧州矣 清兵薄全州衛國公
一青撤守榕江時勳帥咸進公次者侯伯牙門相望號
令紛出十一月 清兵大舉入嚴關印選一青永祚俱
以分餉入桂榕江空壁武寧侯楊國棟寧武伯馬養麟
方馳小路軍榕江兵未戰而四潰飛檄趣印選已出城
走城中大亂城外潰兵鳥獸散一青永祚俱遁式耜衣

冠危坐署中適總督張同敞自靈川回過江東不入寓
過式耜署曰事迫矣公將柰何式耜曰封疆之臣知有
封疆封疆既失身將焉往同敞曰公言是矣君恩師義
敝當共之遂笑與式耜飲家人泣請出城號召諸勲圖
恢復不從明日被執見孔有德不交一言幽式耜同敞
於別所日賦詩相和閏十一月十七日同死於桂林市
式耜詩曰從容待死與城亡千古忠臣自主張三百年
來恩澤久頭絲猶帶滿天香死之日冬雷電大作時給
事中金堡已削髮為僧上書孔有德請葬式耜同敞吳

江楊菽為具衣冠殮之并同敞瘞于北門之園

目録

卷三

三



程